

天津 陶履恭 編譯
江山 楊文洵

中外地理大全

上海中華書局印行

中外地理大全 外國之部

目錄

第一編 亞細亞洲

- 第一章 自然地理 亞洲一之一
- 第二章 人文地理 亞洲一之二三
- 第三章 日本帝國 亞洲一之三
- 第一節 日本 亞洲一之三二
- 第二節 冲繩(琉球) 亞洲一之七二
- 第三節 臺灣 亞洲一之七四
- 第四節 樺太南部 亞洲一之七九
- 第五節 朝鮮 亞洲一之八一
- 第四章 亞細亞俄羅斯 亞洲二之一
- 第一節 西伯利亞 亞洲二之一
- 第二節 中央亞細亞 亞洲二之三三

第三節 高加索(喬治亞 亞受培強 加爾斯)……………亞洲二之四六

第五章 亞細亞土耳其……………亞洲二之五一

第一節 美索不達米亞……………亞洲二之五四

第二節 敘利亞 巴勒司坦……………亞洲二之五七

第三節 亞美尼亞……………亞洲二之五九

第四節 阿拉伯(漢志)……………亞洲二之六〇

第六章 伊蘭地方……………亞洲二之六四

第一節 波斯……………亞洲二之六四

第二節 阿富汗斯坦……………亞洲二之七〇

第三節 俾路芝斯坦……………亞洲二之七三

第七章 印度……………亞洲二之七四

英國之保護國 印度所屬羣島 錫蘭島 錫蘭之屬島 法領印度

葡萄牙領印度

第八章 印度支那……………亞洲二之一一六

第一節 英領印度支那……………亞洲二之一一七

第二節	暹羅國	亞洲二之一二六
第三節	法領印度支那	亞洲二之一三四
第九章	馬來羣島	亞洲二之一四一
第一節	斐律賓羣島	亞洲二之一四二
第二節	荷蘭領諸島	亞洲二之一五〇
第三節	英吉利領婆羅洲	亞洲二之一六一
第四節	葡萄牙領	亞洲二之一六二
第二編	大洋洲		
第一章	緒論	大洋洲之一
第二章	澳大利亞	大洋洲之二
第一節	總論	大洋洲之二
第二節	各州誌	大洋洲之二五
第三章	達斯馬尼	大洋洲之三
第四章	新西蘭	大洋洲之三
第五章	島嶼部	大洋洲之四三

第六章 美拉尼西亞……………大洋洲之四四

第一節 巴布亞島……………大洋洲之四五

第二節 卑士麥克羣島……………大洋洲之四九

第三節 瓊羅門羣島……………大洋洲之五〇

第四節 撒達克洛斯諸島……………大洋洲之五一

第五節 新希不力斯羣島……………大洋洲之五一

第六節 新喀里多尼亞諸島……………大洋洲之五二

第七節 斐支諸島……………大洋洲之五三

第七章 密科羅尼西亞羣島……………大洋洲之五四

第一節 馬介利愛斯諸島……………大洋洲之五四

第二節 馬離那羣島……………大洋洲之五五

第三節 加羅林諸島……………大洋洲之五六

第四節 馬塞耳諸島……………大洋洲之五七

第五節 斐爾伯諸島……………大洋洲之五七

第八章 頗利尼西亞羣島……………大洋洲之五八

第一節	夏威夷羣島	大洋洲之六〇
第二節	樊尼恩諸島	大洋洲之六八
第三節	薩摩阿諸島	大洋洲之六八
第四節	董噶諸島	大洋洲之六九
第五節	科克諸島	大洋洲之七〇
第六節	社會諸島	大洋洲之七〇
第七節	圖亞摩突諸島	大洋洲之七一
第八節	馬爾貴薩斯羣島	大洋洲之七二
第九節	比特根諸島	大洋洲之七二
第十節	拉帕奴伊諸島	大洋洲之七二
第十一節	馬尼希基諸島	大洋洲之七三
第十二節	猶尼翁諸島	大洋洲之七三
第十三節	費匿克斯諸島	大洋洲之七四
第三編 歐羅巴洲		
第一章	自然地理	歐洲一之一六

第二章	人文地理	歐洲一之一七
第三章	蘇維埃俄羅斯	歐洲一之三九
第四章	芬蘭	歐洲一之六〇
第五章	波羅的海沿岸諸國	歐洲一之六〇
第六章	波蘭	歐洲一之六二
第七章	斯坎第那維亞半島	歐洲一之六三
	瑞典 那威	
第八章	丹麥	歐洲一之七四
第九章	德意志	歐洲二之一
第十章	奧地利 匈牙利	歐洲二之四二
第十一章	捷克斯洛佛克	歐洲二之五〇
	列支敦士敦侯國	
第十二章	瑞士	歐洲二之五八
第十三章	法蘭西	歐洲三之一
	安多拉共和國 摩納哥	

第十四章	比利時	歐洲三之二六
	盧森堡公國	
第十五章	荷蘭	歐洲三之二一
第十六章	英吉利	歐洲三之三九
第十七章	伊布林半島	歐洲四之一
	西班牙 葡萄牙 直布羅佗	
第十八章	意大利	歐洲四之一
	勝馬里諾 馬耳塔島	
第十九章	巴爾幹半島	歐洲四之二九
第一節	土耳其	歐洲四之三八
第二節	希臘	歐洲四之四五
第三節	羅馬尼亞	歐洲四之四九
第四節	巨哥斯拉夫	歐洲四之五一
第五節	布加利亞	歐洲四之五四
第六節	亞爾巴尼亞	歐洲四之五五

第七節 克列脫島 歐洲四之五五

第四編 亞非利加洲

第一章 自然地理 非洲之一

第二章 人文地理 非洲之一八

第三章 地方誌 非洲之二七

第一節 北亞非利加 非洲之二七

一 埃及

二 伯爾伯里地方

甲 摩洛哥 乙 阿爾及耳 丙 突尼斯 丁 的黎波利

第二節 中央亞非利加 非洲之三九

一 撒哈拉

二 蘇丹地方

甲 東部蘇丹 乙 中部蘇丹 丙 西部蘇丹

第三節 東亞非利加 非洲之四七

一 亞比西尼地方

- 二 意里脫里亞
 - 三 索毛利
 - 四 英吉利領東亞非利加
 - 五 英領坦噶尼喀
 - 六 葡萄牙領東亞非利加
- 第四節 南亞非利加……………非洲之五三
- 一 英吉利領南亞非利加聯邦
 - 甲 加不植民地
 - 乙 那達爾
 - 丙 荷蘭日河植民地
 - 丁 脫蘭斯窪
 - 二 羅德西亞
 - 三 英領中央亞非利加
 - 四 英領西南亞非利加
- 第五節 西亞非利加……………非洲之六九
- 一 塞內岡比亞
 - 二 上幾內亞
 - 三 下幾內亞

四 比利時領公果

五 葡萄牙領亞非利加

第六節 亞非利加洲之屬島 非洲之七八

一 印度洋諸島

二 大西洋諸島

第五編 北亞美利加洲

第一章 自然地理 北美洲之一

第二章 人文地理 北美洲之一二

第三章 地方誌 北美洲之一七

第一節 加奈大 北美洲之一七

新著大島 百慕大諸島 法領聖比耳密庫倫 格林蘭

第二節 亞美利加合衆國（一稱美利堅） 北美洲之三〇

第三節 墨西哥 北美洲之七四

第四節 中央亞美利加 北美洲之七九

一 英領閩都拉斯

二 瓜地馬拉

三 撒爾佛德

四 閩都拉斯

五 尼加拉瓜

六 哥斯德黎加

七 巴拿馬共和國

第五節 西印度諸島

一 大安提耳諸島

甲 古巴 乙 海提 丙 牙買加島 丁 波德黎各 戊 巴哈馬諸

島

二 小安提耳諸島

第六編 南亞美利加洲

第一章 自然地理 南美洲之一

第二章 人文地理 南美洲之一四

第三章 地方誌 南美洲之二一

第一節	圭亞那	南美洲之二一
第二章	委內瑞拉	南美洲之二三
第三節	可倫比亞	南美洲之二四
第四節	厄瓜多	南美洲之二六
第五節	秘魯	南美洲之二九
第六節	玻利非亞	南美洲之三二
第七節	智利	南美洲之三三
第八節	亞爾然丁	南美洲之三六
第九節	巴拉圭	南美洲之四一
第十節	烏拉圭	南美洲之四六
第十一節	巴西合衆國	南美洲之四八
第十二節	法客蘭	南美洲之五六

中外地理大全 外國之部

第二編 大洋洲 (Oceania)

第一章 緒論

【位置及境域】 大洋洲亦曰阿息尼亞。在亞細亞洲東南太平洋中。其境域。由狹義言之。不過太平洋中不屬於亞細亞及亞美利加無數島嶼之總稱。而由廣義言之。則不特太平洋中多數島嶼而已。澳大利亞大陸。新西蘭及沿岸島嶼。即馬來西亞。美拉尼西亞（包含新幾內亞）等。皆概稱之曰大洋洲。甚而散在南極洋各島嶼。亦無不包括於中。而澳大利亞大陸。與達斯馬尼島。共占大洋洲之西南部。島嶼中之巨大者。自大陸之北以至東方沿岸。有沿海島嶼。廣漠之大洋中。有數多之大洋島嶼散見。是故大洋洲境域。甚為廣大。南北約八十八度。東西約百三十四度。舉其四極之地。則有如左。

極北 庫雷斯波島 (Crespo) 一名羅喀疊布拉塔 (Roca deplata) 北緯三十二度四十六分

極南 馬庫挨利羣島之最南島 南緯五十五度一十五分

極東 沙雷撻湄芝島 (Salay Gomez) 西經百零五度二十八分

極西 的克哈它克島(Dirk Hartog) 東經百十四度

【面積】 大洋洲其區域雖廣大。面積僅三百二十八萬八千方哩。當地球上全陸地十五分之一。亞細亞洲五分之一。實諸大洲中面積之最小者也。

【區劃】 大洋洲區域廣大。而面積狹小。已如前述。則以其由大小多數之羣島而成。現今普通分爲左之四部。

- 一、澳大利亞及新西蘭島、達斯馬尼島。
- 二、美拉尼西亞羣島 自新幾內亞至澳大利亞大陸東方新喀里多尼亞諸島。
- 三、密科羅尼西亞羣島 散在美拉尼西亞羣島之東方。
- 四、頗利尼西亞羣島 散布於美拉尼西亞密科羅尼西亞兩羣島東方渺茫之太平洋中。

第二章 澳大利亞(Australia) (大陸部)

第一節 總論

【位置及面積】 澳大利亞者。南大陸之義。與達斯馬尼、巴布亞、斐支羣島等、合稱澳大拉西亞。(Australasia) 在亞細亞洲之東南。東瀕太平洋。有珊瑚海、及達斯馬尼海。東南與達斯馬尼。隔拔斯海峽。西及南臨印度洋。北隔都列斯海峽。與巴布亞相對。又隔亞勒佛拉海。

底勿海。而望馬來羣島。極北有約克岬。(南緯十度 四十二分)極南爲威爾孫岬。(南緯三十度 九度九分)西起司梯普岬。(東經凡百 十二度)極東比隆岬。(東經百五十度 三度四十分)全部在赤道以南。此南大陸之名所由來也。其地形東西較長。凡三千八百杼。南北約二千一百杼。面積共二百九十四萬六千三百五十八方哩。故爲世界最小之大陸。分之爲五州。曰維多利亞。新南威爾斯。苦因士蘭。南澳大利亞。西澳大利亞。加以東南之達斯馬尼。組織而成六州之聯邦。

【地勢】由地形上分爲東岸山地。中央平原。西部山地之三部。東岸山地之主幹。名大分水山脈。(Great Dividing)北由約克岬。南至維多利亞。沿海岸而走。約七百哩。本陸雖爲大洋洲中最大之陸地。而全洲中之最高峰。不屬於本陸。而在島嶼。第一之陶聖特高峰。不及二千三百米。又此山脈。由威爾孫岬起。沿東海岸。連於約克半島。爲太平洋面與墨來河流域之大分水界。其名稱亦易地而不同。如曰澳大利亞亞爾伯山脈。(Australian Alps)青山山脈。(Blue Mountains)利物浦山脈。(Liverpool Range)新英倫山脈。(New England Range)等是。而尤以澳大利亞亞爾伯爲挺秀。至於西部。有斯塔林山脈。(Stirling Range)與奧古斯脫斯山。(Augustus)布魯斯山等相連。以區別內地灌域。與海岸中央平原之中央。有馬斯格拉夫。(Masgrave)馬克頓內爾。(Macdonnell)等。高達四千呎之山脈相連。其東南部。爲湖沼地方。西部則氣候雖乾燥。而生物不能發育之地方較少。有所謂斯賓尼斐克

耐(Spinifex)多荆棘之植物生焉。然如砂地大沙漠(Great Sandy Desert)吉布桑沙漠(Gibson Desert)維多利亞大沙漠(Great Victoria Desert)等地方。南北相連。其面積不詳。蓋探險家有所未至也。

【湖沼地方】湖水之稍大者。爲埃爾湖(Eyre L.)凡二千三十方哩。其南有叻楞斯湖(Torrens)西南有蓋得納湖(Gairdner)面積亦大。

【澳大利亞亞爾伯山脈】南由墨爾鉢恩。北達回歸線。雖高達千七百呎。勢似孤立。然亦漸次低降。延長於北方。而向約克岬。其中主要之山。有奇抱(高一千七百五十七米)陶聖特(Townsend)(高二千二百四十一米)哥修士哥(Kosciusko)(高二千二百三十六米)抱哥恩(高二千零五十七米)等。而陶聖特爲最高之峰。

【水誌】澳大利亞大陸。概屬高臺性。無高山深谷。故降雨少。又乏冰河積雪。氣候乾燥。河流之水量極少。而流於海岸之江河皆然。然即在內部。亦無可稱長川大河者。舉其主要者。在印度洋斜面。有墨來河。抹齒孫河。噶斯可引河。亞什布爾敦河。非子洛河。維多利亞河。佛林得斯河。在太平洋斜面。有波爾得京河。非子洛河。在內部之閉塞地。有古貝爾格利克河。的亞民得納河。惟此三流域而已。

【墨來河】發於澳大利亞亞爾伯西方斜面。哥修士哥峰南凡十五哩之地。灌注伊卑利那平野。經亞歷山得利那湖。而注入南海。全長二千三百五十哩。灌域四十五萬七千方哩。水量每秒時不及三百六十立方厘米。然自河口

至亞爾伯里(一千哩內外)間。有時小汽船可得航行。支流之主要者。有達林河。長於本流。發源於新英倫山脈。曰馬吉達伊亞。西流又西南流。曰波爾溫河。合喀斯脫勒來。始稱達林河。後更合他小河。以入於墨來河。全長約千二百五十哩。(二千籽)流域約十四萬三千一百餘方哩。(二十二萬方籽)然水量甚小。

【海岸】 海岸線延長。凡一萬哩。然沿岸殊少出入。凡海岸線一哩。合面積二百九十六方哩。其比例但較亞非利加南亞美利加稍勝。且海岸一帶多絕壁。故少良好之港灣。舉其稍著者。南海岸之西部。有澳大利亞大灣。形如大圓弧。其海濱非低平之沙洲。即成高一百以至二百米之絕崖。故無港泊。而包無水無植物之荒地。其東有斯噴色灣。南海岸之東部。及東岸之南部。山岳丘陵。蜿蜒相接。綠樹茂林。風景殊佳。然沙洲沼瀉不少。故無舟泊之便。至東北海岸一帶。為世界第一之珊瑚礁所包圍。是以船舶之交通。亦極不便。北部有亞爾奈姆蘭(西)及約克半島(東)突出。中為卡噴塔利灣。其灣岸有乏良港。西海岸亦少出入。其港灣無可記者。

【諸大洲之面積與海岸線】 據巴蘇諾米氏所調查。諸大洲之面積及海岸線之比較如左。

亞細亞洲	海岸綫每一哩之面積	四九一方哩	海岸綫全長	三五、〇〇〇哩
歐羅巴洲	同	一九二方哩	同	一九、五〇〇哩
亞非利加洲	同	七一九方哩	同	一六、〇〇〇哩

北亞美利加洲 同

三三二方哩 同

二四、五〇〇哩

南亞美利加洲 同

四七二方哩 同

一四、五〇〇哩

澳大利亞洲 同

二九六方哩 同

一〇、〇〇〇哩

【珊瑚礁】此大珊瑚礁即所謂大堡礁(Barrier Reel)也在距海岸十哩以至百五十哩之海中北起南緯十度南達南緯二十四度全長約一千二百五十哩然非全相連續間有隔斷實由許多大小之珊瑚礁彼此分離而有通內外兩海之水路其與大陸間水道狹長而靜穩最廣處七十五哩最深處六十尋雖得通航汽船然稍不留意即有擱礁之虞

【島嶼】附近島嶼概係巖石之突出者多屬無人島或未經探險之地其濕著者北有巴沙斯的島墨爾微爾島克羅脫易蘭島韋爾雷斯來羣島木曜島等東有大散底島(即法拉撒島)南有達斯馬尼大島佛林得斯島干加魯島等西有的克哈它克島半島則以卡噴塔利約克為著

【氣候】全土半屬熱帶半屬溫帶海地與內地氣候又大相差然沿海地方因受海洋影響頗稱良好漸入內地始漸不適有害於衛生季節由十月至三月為夏由四月至九月為冬與北溫帶適相反內部各地且以海岸山脈遮斷溼氣時有熱風降雨稀少故空氣失之乾燥妨害動植物之生育而冬季內地早冷寒風且及於海岸之暖地降雨時期極不一定

往往有數年不降雨之處。或內地最乾燥之地。不數日而降雨甚多。亦往往有之。溫度變化頗劇。有時一日之內。迥然不同。實純然大陸性之氣候也。內部為荒漠無人之境。旅行乾燥地方之土人。常開鑽井。所得之地下水。僅能防渴。若不能得。則掘取地中之蛙。而吸其腹中之水。以免渴死。故不問海岸內地。皆視雨為生命也。

今列重要各地之溫度及雨量如左

地名	平均溫度		雨量
	一月	七月	
不力斯辦	二〇、〇度	二五、〇度	一、三二〇耗
悉德尼	一七、二	一六、〇	一、二四四
墨爾鉢思	一四、四	九、四	六六〇
亞得來得	一七、二	一〇、五	五三三
珀斯	一八、三	一三、三	六六〇

【用地中蛙之防渴】 內地旅行者。若遇掘井不能得水時。須更深掘。取其較冷之土。以蔽腹部。若又無效。則取地中蟄伏之蛙。吸其腹中之水。以免渴死。此蛙深伏地中。俟雨則出吸多量之雨水。雨止復蟄伏於土中。日本某學者。謂此蛙其卵化。生甚速。且腹中所蓄雨水。足能支持。至下次降雨之時。故沙漠附近。天如不雨。未嘗見蛙。一遇天雨。則蛙鼓雷鳴。聒耳欲聾云。

【生物及產業】 澳洲大陸於生物之分布成爲特別一帶。珍奇者甚多。尤以植物爲最。種類之多。勝於其他各大洲。就中有名者。爲有加里樹。直立高百五十米。周圍達二十呎以上。爲一種之巨樹。其他如阿卜賽達爾（赤色杉類）波尼亞波尼亞（松杉科）哥列松、火燄樹、酒壘樹、阿卡西亞（日本謂之刺毬花荳科）等。種類尙多。動物有喀雅、阿布特利庫斯、極樂鳥、袋鼠、鸚鵡、食火雞、食蟻獸、翁巴特鴨嘴獸等。各種奇異之禽獸。然在經濟上。有價值者少。現今澳洲大陸之富源。全恃畜產農產。礦產二者。其農產畜產。固澳洲大陸向來所無。均由歐洲輸入焉。

【有加里樹】(Eucalyptus) 爲澳洲之特產。其高度遠勝他植物。猶之動物界之有麒麟。爲常綠之喬樹。樹皮呈灰白色。易於剝落。生長甚速。維多利亞嘗有有加里樹倒地。長至四百八十呎。植於溼地。能吸收溼氣。凡馬拉利亞熱病流行地方。得此有斷絕病源之效。因而各國多有移植之者。其材用於建築及器具。葉製有加里油。供藥品之用。且其移植於溼地。蒸化作用甚盛。能使土地乾燥。可防腳氣病。又於呼吸器病。亦有效云。

【喀雅】(Koa) (Nestor notabilis) 屬鸚鵡類。產於新西蘭之南島。初爲食果禽。自其地綿羊移植以來。忽變爲肉食禽。爲羊馬等之害甚大。至其變性之原因。則猶未詳。

【阿布特利庫斯】(Apteryx) 一名奇微奇微 (Kiwikiwi) 在鳥類中。形最奇異。產於新西蘭及達斯馬尼。昔甚繁植。近大減少。多棲莽叢中。日中則隱於巖石木根之暗處。夜間始出食蟲類。其翼甚短。無尾。羽毛扁平尖端。柔蔽。

而有光澤。大抵栗色。下部稍淡。皮亦柔韌。價昂。以製衣服。嘴尖長。而下曲。直立時高二呎許。走時類駝鳥。土人欲得其皮與肉。夜間焚松火以捕之。體重約四磅。

【極樂鳥】(Paradise) 一名風鳥。亦名霧鳥。產於北部澳洲。新幾內亞。真羅羅及其他馬來諸島之一部。羽毛華麗無比。其種類甚多。由雌雄及年齡之不同。其形狀羽色。各不相同。鳥大如雀。尾長。羽毛奇采異色。美麗而有光澤。其所謂『極樂鳥之王』(King bird of Paradise) 華麗尤不可言狀。羽尾亦較他鳥為長。常三四十鳥為一羣。一王率之王死。餘衆集其周圍。不忍去。此鳥卵之孵化。異於他類。蓋以雄者任之。其雌特於休息時間。為之替代而已。有赤霧鳥(P. Rubra) 比翼鳥(P. Regia) 亦屬是類。其羽毛供歐洲婦人之裝飾品。最為流行。

【袋鼠】(Kangaroo) 譯名更格盧。為澳洲之特產。其肢前短後長。身體之後半部頗發育。尾最強直。為體之支柱。且助以飛躍。每躍遠及數米。常依後股及尾而直立。大者高五呎。食植物。故齒似牛馬。其最奇者。腹部有一囊。其胎兒生時。極不完全。則入之囊中。以哺乳養育焉。

【鸚鵡】(Emu) 為澳洲特產。屬走禽類。略似駝鳥而小。有三趾。羽之狀態亦不同。其與食火雞。以頭無冠。頸無裸部。亦易識別。此鳥身長五呎以上。嘴短扁平。容貌雖似駝鳥。頸長而腳強壯。然兩翼至短小。不能飛翔。羽呈剛毛狀。棲於平原。馳走而食植物。巢地上凹處。或集樹皮為之以產卵。卵色暗綠。長四寸五分。肉適於食用。飼養亦易。因害於五穀。捕殺甚多。

【食火雞】(Cassowary) 食火雞與駝鳥同類。不能遠飛。高達五呎。馳走甚速。其頂有兜狀凸起之肉質雞冠。首

部有下冠。或青銅色。或紫色。或深紅色。然幼鳥無之。羽色黑而有光澤。密生毛狀之羽毛。其先端如箭狀。分而爲二。根部爲數多之叢房。尾羽亦與此同。兩翼不似他飛鳥之有強羽。僅有毛狀之羽覆之而已。產於新西蘭及澳洲北部。以食果實爲主。其肉及卵。適於食用。土人以其爪嵌於鎗頭。爲有用之武器。

【食蟻獸】(Anteater) 於澳洲外。南美安達斯山脈之東側亦產之。係貧齒類之下等動物。齒概少。有如絲之長舌。伸展時。恰如紅色之蚯蚓。且甚黏滑。故可藉之以捕食蟲類。尤好食蟻。因有此名。其種類頗多。

【翁巴特】Wombat (Phascogomys) 爲澳洲之特產。屬於有袋類。大如狸。晝伏夜行。以求食。尾至小。四肢同大。齒之形狀及習性。均似切齒類(兔鼠等類)動物。

【鴨嘴獸】(Duck-Bill) 鴨嘴獸。爲哺乳類中最下等者。其構造恰如鳥類。嘴如鴨而無齒。四肢有蹼。適於游泳。亦能上陸步行。僅一排泄孔。亦稱獨孔類。且卵生。形狀如水獺。毛暗赤色。或黑褐色。哺乳類中卵生者。只此而已。常棲息於河邊。食泥中之介蟲。其巢窩在二十以至四十呎之洞穴。有二通口。一在水下。一出陸上。不產於他大陸。惟東部南部澳洲及達斯馬尼島有之。

畜產 有牛馬豚等。牧養皆盛。尤以綿羊爲最。數年以來。逐漸增加。於澳洲聯邦。綿羊全數已達八千萬頭。他洲無能及者。故羊毛產額爲世界第一。年額三百七十五萬擔。占本大陸輸出品中之第一位。羊肉則與牛肉同製凍肉。以輸出於海外。然聯邦各洲。雖皆牧羊。特以東部卽新南威爾斯。維多利亞。苦因士蘭三洲爲最盛。而新南威爾斯。維多利亞之生產力。

尤超絕於他之四洲。

【家畜類】一九一九年之家畜數。有馬二百四十三萬一千頭。牛類一千二百七十一萬一千頭。羊七千五百五十五萬四千頭。豚六十九萬六千頭。牛酪一億六千萬鎊。內輸出者七千六百萬鎊。

【羊毛出產價額】 茲舉最近數年間之價額如左

一九〇〇年	九,〇〇二,二二九鎊	一九〇〇年	七,六八九,〇四四鎊
一九〇五年	一二,三三九,〇一七鎊	一九二一年	三三,七七四,〇〇〇鎊

澳洲大陸。雖以日光酷烈。時而草枯川涸。數百萬之羊。因以斃命。然實與亞爾然丁。共為世界最大之羊毛出產。及羊之飼畜地。就牧羊言。與澳洲爭優勝者。惟亞爾然丁而已。

茲比較世界二大羊產地如左

年 度	世界產羊數 <small>百萬頭</small>	澳大利亞 <small>百萬頭</small>	亞爾然丁 <small>百萬頭</small>
一九〇四年	四八六	六六六	—
一九〇五年	—	七四	—
一九〇六年	八	八三六	四三〇
一九一九年	—	九二〇	四五三

農產 澳洲全生產額之半。為關於農產者。其中土地。耕作與牧畜。分配略同。農產物有大

麥、小麥、燕麥、玉蜀黍、煙草、棉花、甘蔗等。馬鈴薯、蔬菜等。雖亦不少。然尤以小麥為最重要。現今小麥之耕作。在世界市場。殆占一二位。與麥粉同為重要輸出品。

【小麥之出產】 茲舉澳洲小麥之種地及其生產額如左（一九二〇年）

種地畝數 六百四十一萬九千亞克（英畝）

產 額 四千五百九十七萬羅（一羅計半斛）

每畝之產出 七、一六羅

鑛產 鑛產埋藏甚富。有金、銀、銅、錫、鉛、石炭等。就中以金為最多。銅及石炭次之。最近金之產額為二十九億萬圓。次於非洲及美利堅。為世界之第三出產地。金鑛之顯著者。為東部三洲。及西澳大利亞。維多利亞洲之巴拉刺德。山得赫斯特。西澳大利亞洲之克爾喀提。抹齒孫地方。皆特著名之產金地。

【世界重要產金地】 一九二〇年世界重要各地之產金額。列舉如左。

全世界	三六七、〇〇〇、〇〇〇	百萬圓
澳大利亞	二九、〇〇〇、〇〇〇	
俄羅斯	一二、〇〇〇、〇〇〇	
阿非利加	一九七、〇〇〇、〇〇〇	
美利堅	六九、〇〇〇、〇〇〇	百萬圓
加拿大	一五、〇〇〇、〇〇〇	
墨西哥	一七、〇〇〇、〇〇〇	
英領印度	一〇、〇〇〇、〇〇〇	

南美洲 一三、〇〇〇、〇〇〇
 中華民國 四、〇〇〇、〇〇〇
 日本 五、〇〇〇、〇〇〇
 巴西 三、〇〇〇、〇〇〇

地。銅之最近年額達四千四百萬噸。占世界第七位。南澳大利亞洲之庫林格。爲著名之銅產地。

【世界重要銅產地】 一九二二年重要各地之銅產額。列舉如左。

全世界	一、四七七、〇〇〇	美國	九五四、〇〇〇
西班牙	五〇、〇〇〇	日本	九六、〇〇〇
澳大利亞	四四、〇〇〇	智利	一二六、〇〇〇
墨西哥	七七、〇〇〇	加拿大	五九、〇〇〇
秘魯	四九、〇〇〇	比領剛果	二二、〇〇〇

石炭產額達一千零七十六萬八千噸。占世界第十一位。東部三州皆有炭田。多輸出於東亞各地。

【世界石炭重要產地】 一九二二年重要各地之石炭產額。舉之如左。

全世界	一、三九一、八七四、四六六	美國	六七八、〇〇〇、〇〇〇
英國	二五五、〇〇〇、〇〇〇	德意志	二七四、〇〇〇、〇〇〇

奧匈	四〇、七六〇、八七〇	法國	三七、六二二、五五六
比利時	二三、六七八、一五〇	俄羅斯	二三、九四三、七九四
日本	一四、八二五、三六三	印度	一二、八六五、四〇八
中國	一一、九七〇、〇〇〇	加奈大	一〇、九〇四、四六六

水產 水產雖不盛。然都列斯海峽中。木曜島近海。及西海岸布羅美港近海。採集真珠貝甚盛。

工業 工業未盛。最著為毛織物。其他製造場。於主要都會。雖見增置或創設。而不甚發達。

【工業不振之原因】 澳洲土地廣漠。人口稀少。移民在所必要。然不欲工資低廉之亞洲人繁殖其地。亞洲人因而不至勞動者少。工資遞高。故一般事業。皆無發展之望。

商業 商業頗盛。一九二二年之輸入額。一億六千三百三十三萬鎊。輸出額一億三千二百零二萬鎊。其主要輸出地。為英吉利、法蘭西、德意志、錫蘭、比利時等。主要輸入國。為英吉利、美國、德意志、新西蘭等。

【貿易品】 茲舉其最近重要輸出入品及其價額如左（一九二二年）

種	別	價	額	出	種	別	價	額	入
---	---	---	---	---	---	---	---	---	---

【各國貿易額】 澳大利亞所與貿易之重要各國其價額列舉如左(一九二〇年)

國名	輸出	輸入
羊 毛	三三、七七四、〇〇〇 鎊	五、〇六六、〇六三 鎊
小 麥	三四、四七三、〇〇〇	九一九、〇〇〇
金 塊	四、九五五、六〇〇	四、六三〇、八一七
銅及銅鑛	三、〇四二、七五七	一五、五九三、〇〇〇
皮 草	二、七一八、〇一七	三、六一七、〇〇〇
錫	一、一六八、二三三	九、〇七一、〇〇〇
木 材	九九〇、〇六一	六、五六〇、〇〇〇
石 炭	二、二三九、〇〇〇	一、五六六、〇〇〇
鉛	八六〇、四〇〇	四、九七三、〇〇〇
銀 鉛	七八二、一五八	一、三二九、四五六
金 塊		
金 屬 製 品		
衣 服 等		
棉花及線織物		
煙 草		
機 械 類		
砂 糖		
毛 織 物		
鐵 及 鋼		
木 材		

輸

輸

鎊

鎊

英 吉 利 八〇、七八四、〇九六
 美 國 一一、二二九、九三七
 德 意 志 一六、五二〇

【各州貿易額】一九二〇年。澳大利亞聯邦各州之貿易額。列舉如左（除去國內貿易）

州名	輸	出	輸	入
新南威爾斯	五二、五五八、二七六	七二、二三三、五九八		
維多利亞	三四、六九九、四六九	五七、三八二、五五四		
西澳大利亞	一〇、四四七、四五—	七、二一九、五〇〇		
南澳大利亞	一七、七〇三、九九〇	一二、三八三、四〇七		
苦因士蘭	一五、二七六、四四九	一一、八二八、八七二		
達斯馬尼	一、三二九、五八三	二、二六四、九〇八		
總計	一三二、〇二九、三八〇	一六三、三三三、五〇四		
日本	七、二二九、五〇一	四、二六二、〇〇〇		
錫蘭	八五四、八一〇	一、六七五、八七一		
印度	二、四三九、九三五	四、五〇七、六〇二		
新西蘭	七、七四三、七四四	二、三九二、五六〇		
比利時	四、二六三、六〇八	一七〇、五八八		
法蘭西	六、六七一、八七八	三四〇、二八〇		

【住民】本洲以一七八八年為英國流放囚徒地。遂開英人殖民之基。及一七九五年許民自由移住。英人之移住者。漸次增加。現今總人口五百四十三萬六千七百九十四人。達斯馬尼在內。其中英人占三百九十三萬九千三百二十五人。此外有我國人（三萬二千九百八十三人）南洋諸島人（九千二百二十九人）印度人（四千五百四十三人）日本人（三千三百七十四人）等。舊有土人其數歲減。今也不過六萬內外。乃全世界中最劣等之種族也。

本洲人口之分布。各有不同。較前已漸臻稠密。一方哩平均。在百餘人以上。

【澳大利亞各州別】澳大利亞各州人口及每方哩之人口。列舉如左（一九二三年英國政治年鑑）

州名	面積	人口	一方哩之人口
維多利亞	八七、八八四	一、五三一、五二九	一、七四三
新南威爾斯	九〇九、四三二	二、〇九九、七六三	六七九
苦因士蘭	六七〇、五〇〇	七五七、六三四	一一三
南澳大利亞	三八〇、〇七〇	四九五、三三六	一一三〇
西澳大利亞	九七五、九二〇	三三二、二二三	三四

【澳大利亞土人】澳大利亞面積廣大。而舊有之土人。合之其與外人所生之雜種。不及六萬。身長五尺四寸。皮

膚褐色。毛髮卷縮。男女皆裸體。不著衣服。其職業亦無定。或狩獵於山野。或好事爭鬪。生食禽獸魚蟲。智識皆極低。以文化論。可謂現今世界中最劣等之種族。其利器則猶用石器云。

抑自英人殖民發達。澳大利亞。遂爲英之領土。其間市鎮勃興。建築頗極華麗。而此古來土著之民。依然蠻野。稱爲世界最劣等之種族。此亦可異者也。試先述其人體質之一班。彼等皮膚濃褐。髮黑。形如鈎。或捲縮爲波狀。眼目深沉。口大而唇厚。下顎前出。鼻則扁平。自面顏軀幹以及四肢。皆生深毛。體高或達五尺五寸。有時用獸皮爲裝飾。身體之一部。不無掩蔽。而大部分。則純然之裸體。彼等風俗。皮膚多使呈斑紋。或施色彩以爲飾。其頭髮。男女皆任其自長。時時以貝刀割之。或以火適當燒之。其所居。集樹木爲巢。覆葉於上。且恃石器爲利器。故可謂之猶在石器時代。雖亦有棍棒。楯。投槍器及所飛來去器。然未知有弓矢。澳大利亞土人之慣習。每歲之中。羣集廣大原野。圖其武力。以解決一年中之紛紜。或則個人。或則部落。敗者對於勝者。當以物品或自己之妻爲賠償。因而土人平日爭鬪稀少。頗爲足取云。

【政治】 苦因士蘭。新南威爾斯。維多利亞。南澳大利亞。西澳大利亞。達斯馬尼六州。各有獨立之政府。以知事爲長官。掌行政權。此六州更聯合而稱澳大利亞聯邦。聯邦之行政長官。爲代表英王之總督。下有兼外務之首相。及內務。財政。農商務。海關。司法。軍務。交通之七大臣。握各部之行政。

聯邦之立法權。委任於聯邦會議。卽以前記之總督及元老院。代議院而成。元老院以各州

選出之議員組織之。(各州六名)共三十六人。任期六年。每三年改選半數。代議院以各州選出之代議士組織之。任期三年。共七十五人。每人口五萬。選出一人。其各州選出人數如左。

新南威爾斯 二十六名 維多利亞 二十三名

苦因士蘭 九名 南澳大利亞 七名

西澳大利亞 五名 達斯馬尼 五名

要之。澳大利亞在英國殖民地中。與加奈大皆為政治組織之最發達者。幾與獨立國無異。巴黎和會。曾派代表列席。有次大國之稱焉。

【首府】為聯邦政府所在地。其位置之選定。歷久不決。及一九〇四年八月十五日。始定議於新南威爾斯州達爾澤底之周圍十七哩以內。建為首府。其地當南緯三十六度三十分。東經百四十九度。在同州之首都悉德尼西南凡三百二十杆。維多利亞州之首府墨爾鉢恩東北約三百杆。然以首府遷移。尙未實行。故現今仍以墨爾鉢恩為聯邦之首府。

財政 歲入歲出均約三億五千萬圓。新南威爾斯占其三分之一。國債約二億萬圓。新南威爾斯及維多利亞州占其大部。

軍備 自聯邦組織告成(一九〇一年)國防之急切。有日甚一日之感。一九〇五年。遂設

立國防會議。為澳洲最高之軍令部。蓋今日之澳洲。官民上下。莫不以國防為最要之一事焉。

(甲)陸軍之組織及兵力 澳洲陸軍。有常備軍、民兵之區別。常備軍設行政部、參謀部。英本國礮兵隊、軍醫部、經理部等。就中英本國礮兵隊。專任澳洲各處之海軍根據地及其他各要港之守備。

民兵即義勇兵、預備軍之謂。

陸軍之兵數。每年增減不定。據一九〇七年六月之調查。其數如左。

州 別	常備兵	民兵及半餉兵	志願兵	手鎗俱樂部	候補生	預備士官等	合 計
中央行政區	二一						二一
新南威爾斯	五〇五	四、九二九	二、〇六七	一〇、四五〇	五、〇八八	二二六	二二、二七五
維多利亞	四〇二	四、八二八	一、〇〇五	一九、四七〇	六、四〇五	二八八	三三、三九八
苦因士蘭	二三〇	二、五七〇	一七九	四、七七七	二、九四九	一五八	一〇、八六三
南澳大利亞	六〇	一、二八九	五三九	三、五七五	一、七四六	九三	七、三〇二
西澳大利亞	六七	九〇七	六五一	三、七六二	一、三五二	四三	六、七八二
達斯馬尼	四四	九二二	六九六	八六五	一、〇七〇	四九	三、六四六

總計一、三二九 一五、四四五、一三七四二、八九九一八、六一〇 八六七 八四、二八七

(乙)海軍之組織及勢力 當澳大利亞聯邦成立時其與英本國關於海軍之協約(一)澳洲之海軍防禦及其貿易保護委任於英帝國之海軍(二)澳洲防備艦隊之組織爲快速力巡洋艦五艘水雷艇二艘(三)此協約以十年期限及一九〇三年更締結新協約遂改定艦數定員及經費之分擔要之一九〇三年之海軍新協約澳洲人之所謂國防論固已顯著進步而現時所喧傳之國防論乃圖第二段之擴張其情勢之所趨直有由英本國而獨立之概則將來之所以見諸事實者可想像也今澳洲海軍之現在兵員調查如左
一九〇七年)

州別	常備兵	民兵	志願候補兵	合計
新南威爾斯	四	三三三	一〇〇	四一七
維多利亞	一一一	二〇四	九八	四二三
苦因士蘭	四九	三四六	一四〇	五三五
南澳大利亞	二二	一一九	五三	一九四
總計	一九六	九八二	三九一	一、五六九

悉德尼爲英國在澳艦隊之本營乃第一等軍港也有巡洋艦五艘礮艦二艘組織澳大利

亞艦隊。然其巡洋艦已老朽。幾無戰鬪之力。

【發見及探險】 澳大利亞於陸地之分布上。孤立懸絕。爲人類移住所不至。此其住民之進化。與其土地之發見。所以遲遲也。然澳洲發見之時期。雖不詳。而一五三一年。法蘭西人奧倫斯斐尼氏手繪之地圖。表記其北西岸。曰爪哇拉格蘭得。卽大爪哇之意。其他一五二一年。與一五四二年頃。所見之地圖。於馬來羣島南方。劃爲廣漠區域。而記曰大爪哇。是卽今之澳大利亞也。其名稱出於葡萄牙語。故發見者當爲葡萄牙人。其時在一五〇七年至一五二七年之間。總之澳大利亞。距今三百年前。已有發見之者。是有馬爾哥波羅之航海日誌。可以相證也。十六世紀後半。西班牙葡萄牙兩國。合併於斐律布二世。當時兩國事實。每致相混。而大爪哇之地。確然嘗揭葡萄牙之國旗。而明示其所屬。然是亦不過爲澳大利亞北方沿岸之想像已耳。抑、豫、知、南、大、陸、之、存、在。其事以亞歷山大王爲嚆矢。大王東征印度。當時獨具隻眼。謂南方有大陸存焉。而爲自三百年前之事實。以漸見於地圖上之記載。然迄一六〇〇年。猶未判然。於是探險者輩出。而澳大利亞始確定焉。

當是時。西班牙之航海者特奇羅。偕貴族都列斯。奉西王斐律布三世之命。載舟以赴秘魯。因試爲探險。而得發見陸地。一六〇六年。名曰南洋之神國。其後一六一六年。荷蘭人的克哈它克。探險澳洲西北方。至沙克灣。名曰孔科爾德。一六一八年。船長沙青氏。探險北方沿岸。名曰亞爾奈姆蘭。翌年船長伊德爾。更自西方沿岸。探險西澳洲。一六二七年。維達那德氏。探險南方。遂入澳大利亞大灣。今其名猶存焉。

嗣後一六四二年。有名之阿卑爾達斯曼氏。奉荷蘭東洋植民太守第曼之命。探險澳大利亞南東海岸。抵達斯馬

尼島名曰桓第曼斯蘭（後世更以發見其地者之名名之）更二年。試行第二次之探險。得聯絡西岸南岸。遂名之曰新荷蘭。

至如英人之於澳洲。則一六八八年。有丹畢爾者。以海賊船。探險澳洲西方沿岸。是為英人探險澳洲之始。以澳洲全陸。為荒漠不毛。無望開拓。自是世人遂漸忘之矣。然不逾百年。忽於無意之中。澳洲之地。復被發見。於是遂開拓植之新境域。即一七六九年。英國政府。以觀測金星經過太陽面。由學士會院之勸導。組織遠征隊。以船長科克氏為指揮官。選乘商船恩德渥號。偕天文學者博物學者。以一七六八年八月二十五日。自英國布里斯出發。於翌年四月。抵社會諸島中之他希的島。得為精密之觀察。目的已達。而糧食等準備猶足。不欲直歸英國。因探險南洋。達澳洲之南端厚岬。沿海岸以向東北。過都列斯海峽。達新幾內亞。確知其與大陸分離。而歸國。其後一七七二年。更為二次之航海。發見新喀里多尼亞。聖德維齒羣島。及其他重要各地。於地理學上。大有貢獻。惜氏歸途於夏威夷。為土人所害。志未盡伸而身歿焉。

其他從事澳洲探險者。頗不乏其人。一八一八年至一八二三年。斐律布奇。遊覽大陸一周。一八三七年。至一八四三年。比克爾號。從事全海岸之探險。遂得成功。此其著者也。

【內地之探險】內地之探險。英國政府。以船長科克氏之建議。放流罪人於澳洲。一七八八年。遂與波多尼灣。其初之狀態。與故國交通。殆全斷絕。其內部則瘴烟瀰漫。尤不容人託足。真可為罪人之流放地。故初至者。不無絕望之感。及其久而相安。破其寂寞。而從事內地之探險。亦勢之所必然也。橫斷大陸之旅行者。有賴治哈爾氏。自一八

四四年至一八四五年。由苦因士蘭、達卡噴塔利灣之桓第曼。此爲第一次。其後巴克氏（一八六一年）馬吉來伊氏（一八六一年至一八六二年）馬克頓內爾斯叨得氏（一八六二年）踵相接焉。

大陸之西部。自一八二九年。建設西澳大利亞殖民地以來。首府珀斯。爲遠征隊之根據。一八六一年。法蘭克格拉哥利。始於由愛河沿岸。發見灌溉便利肥饒之平地。

一八七〇年後。大陸探險之目的。皆在開發實利。從事富源之探索。而阿黑色斯希林。爲西方澳大利亞探險隊之根據地。斯爲第一次之縱貫旅行。由瓦波頓氏實行。終得出由愛河。

次爲約翰福來斯。由前記行程。更南數度之地。旅行於東方。以出埃爾湖。

次爲濟爾斯氏。一八七九年。於福來斯線之南。實行第三次之縱貫旅行。確知砂濱達於南岸。且以西北地方根不勒里。爲有金產地。

次爲一八八二年。亞歷山得福來斯。發見灌溉利便之好牧地。

此外探險者甚多。皆以其學識勇力。冒險從事。俾世人得知大陸之狀態。而土地僻遠。氣候惡劣。此不明之大陸。其中向多人跡不到之地。故其內容。尤未能盡悉也。

沿革

澳大利亞之發見。已略述於前。其時日雖不可知。而有名之科克氏第一次旅行（一七六九年）探險大陸之東岸。以其時君喬治三世之名義。領有新發見之土地。而名之曰新南威爾斯。此則本大陸爲英領地之起源也。自後而全大陸。漸皆歸爲英領。一七七六年。北美合衆國獨立。逾七年。英國承認之。英人既不得志於美洲。思所以償

其失者。遂於澳大利亞。開拓植民地。且其時英國政府。以新誦成地之不可無。嘗採用科克氏所盛稱之良港波多尼灣。然其地植民距之。遂去之波的爪克孫。於其南岸。建悉德尼市。為植民地之基礎。時一七八八年也。自是而北起約克山。南至達斯馬尼。以全澳洲之半。宣言為英之植民地。域而澳洲遂為英流放刑徒之植民地。及一七九五年。一般人民。皆許移住。植民事業。始益發展。一八二五年。屬於新南威爾斯之達斯馬尼。分離而為獨立植民地。一八二九年。於大陸之西岸。創建珀斯市。開西澳大利亞植民地之基。一八三五年。始建維多利亞植民地。翌年。南澳大利亞植民地成立。一八五九年。苦因十蘭更與新南威爾斯分離。為獨立植民地。於是大陸有五植民地。以海陸軍士官為知事。而統治之。一八五一年。新南威爾斯大金鑛發見。移民驟增。政治上之活動漸盛。一八五五年。新南威爾斯。達斯馬尼。及維多利亞。各發布其憲法。惟西澳大利亞為王領。屬於英王勅任之知事所管轄。一八九〇年。西澳大利亞亦發布其憲法。一九〇〇年。大陸之五殖民地及達斯馬尼六州。聯合而為聯邦。於是澳大利亞聯邦成立焉。

第二節 各州誌

【維多利亞州】(Victoria) 占澳大利亞大陸之東南部。西隣南澳大利亞州。北依墨來河。界新南威爾斯州。面積八萬七千八百八十四方哩。五州中面積之最小者也。州之中央部。有東西走之澳大利亞亞爾伯山脈。雖多山地。而肥沃之農產地亦多。氣候溫和。適於健康。物產豐富。有小麥、燕麥、大麥、馬鈴薯等之重要農產物。葡萄、橄欖及其他果物。前途有望。州

內牧場甚多。牧畜實爲本州之主業。綿羊、牛、馬、豚等。牧養頗盛。

山地富鑛物。就中金坑爲多。著名之鑛山不少。自一八五一年至一九〇六年。共計產出價格二億七千六百五十一萬鎊以上。工場雖有四千三百餘所。僅足充國內之需用。貿易輸出品。有金、獸毛、穀類、牛油、革類、肉類等。

本州原爲新南威爾斯之一部。一八三五年以前。僅有人口二萬。至一八五一年。分離。現今人口一百五十三萬。每方哩合千餘人。其稠密在澳洲聯邦中爲第一。域內鐵路延長達三千四百哩。交通之便。尤在他州之上。

墨爾鉢恩 (Melbourne) (南緯三十七度五〇分 東經一四四度五九分) 跨維多利亞南方注入斐律布灣之雅拉

雅拉河口。我國或稱之曰新金山。大船巨舶。得碇泊於市之中部。控墨爾鉢恩港及外港維利阿母斯敦。加以陸上鐵路四通。交通便利。故商業頗活潑。貿易之盛。稱澳洲第一。且爲維多利亞州之首府。及現今聯邦政府所在地。人口六十九萬。爲澳洲之第二都會。市街整齊華麗。我國有總副領事駐焉。市內有上下兩院、大學、圖書館、博物館、寺院、銀行等。建築宏壯。又設有公園。輸出品之重要者。有羊毛、金、小麥、凍肉、牛酪等。

巴拉刺德 (Ballarat) 在墨爾鉢恩之西北。鐵路七十五哩。當大分水嶺山脈之南麓。爲金坑地方之中心。以產金知名於世。人口五萬一千。爲州內第二都會。

山得赫斯特 (Sandhurst) 在墨爾鉢恩之西北。鐵路百哩。一名班吉哥 (Bendigo) 爲州內著名之金產地。人口四萬三千。街市甚盛。

吉琅 (Geelong) 爲斐律布灣西部之港。製皮製絲業盛行。人口二萬六千。商業亦盛。

【新南威爾斯州】(New South Wales) 在維多利亞州之北。苦因士蘭州之南。東方一帶臨太平洋。西與南澳大利亞州相接。面積三十一萬三千六百七十七方哩。在六州中爲第四。人口約二百〇九萬餘。澳洲植民地中。制定憲法最早。青山山脈。近州之東岸。南北蜿蜒。其間埋藏金、銀、石炭等甚夥。金自一八五一年至一九〇四年。價格達五千二百餘萬鎊。石炭一百九十九萬鎊。山脈以西。爲墨來河支流達林河 (Darling) 與穆隆畢治河 (Murrumbidgee) 灌域。平野綿亙。富小麥、玉蜀黍、大麥、甘蔗等農產。羊、牛、馬等牧畜亦盛。森林占全地積四分之一。所產木材雖多。而生產之主要者。尤在牧畜業。鑛業。牧畜業。中羊之頭數。在聯邦中爲第一。

氣候各地不同。北海岸雖乾燥。中央之南部。則稍溼潤。天氣一般晴朗。空氣清淨。然內地熱風時起。塵埃飛揚。暑熱亦酷。

鐵路之設。雖不及維多利亞州。然主要各地點。均相聯絡。延長約三千二百八十餘哩。

悉德尼 (Sydney) (南緯三十三度五十分) 東經一五一度一二分) 臨本州東海岸之中央爪克孫灣。爲本州之首府。

人口五十二萬餘。在澳洲中爲第一。大都會稱南方之女皇 (Luenox the South) 爲大學所在地。建於一七八八年。又澳洲最古之都府也。悉德尼係採用當時英國拓植部大臣子爵悉尼氏之名。

悉德尼之發達。有關於地理上之事情如左。

(一) 東海岸獨一之良港

(二) 西方有羊毛及金之大產地

(三) 氣候良好

(四) 政治之關係

市街臨爪克孫灣。有天然良好之碇泊地。故船舶出入甚盛。商業因以繁興。即英國澳洲艦隊。復以此爲根據地。灣內設有礮臺。防備頗嚴。自歐洲本州沿岸太平洋中諸島航船。皆集中於此。是皆其發達之原因也。

巴拉馬塔 (Paramatta) 在悉德尼之西。有鐵路相連。人口一萬三千。以栽培柑橘著名。

紐喀斯爾 (New castle) 即新堡。在悉德尼北漢塔河口。爲貿易港。鐵路與悉德尼連絡。(一〇二哩) 人口一萬三千。其附近及上流邁特蘭地方。採掘石炭甚盛。西部地方。則盛行牧畜。而以本港爲門戶。輸出石炭及羊毛。實悉德尼以北主要之港。

布魯肯希爾 (Broken Hill) 在悉德尼之極西。一名韋爾瓦瑪 (Willyama) 近南澳大利亞界。爲澳洲第一銀產地。人口二萬七千五百。

埃但 (Eden) 在本州之東南方。瀕伊臥佛爾德灣 (Iwoford) 有次於悉德尼之良港。

達爾澤底 (Dalgety) 爲經選定之聯邦政府所在地。在斯那威河上流。高海面二百七十米。距悉德尼凡二百九十六哩。距最近之車站三十二哩。周圍之地。適於耕種牧畜。

島嶼 那福克島 (Norfolk) 在悉德尼東約千百哩。(一七七〇) 爲一七七四年。英人科克氏所發見。面積四十四方籽。少良港。氣候溫和。樹木鬱蒼。

【落厚島】(Lord Howe) 介於那福克島與悉德尼之間。爲一七七八年。英人貝魯氏所發見。面積十六方籽。島內多山岳樹木。其低地悉皆肥沃。爲捕鯨船供給野菜之所。

【苦因士蘭州】(Queensland) 占澳洲之東北部。與新南威爾斯北部相接。南北一千三百哩。東西九百哩。面積六十八萬八千方哩。爲六州中之第三大州。然人口甚稀。約僅七十五萬七千餘。每方哩不足十人。本州自一七七〇年。爲科克氏所發見。其後五十年。始於不力斯辦設刑徒流放所。一八四二年。爲自由植民地。一八五九年。自新南威爾斯分離。改行責任自治政治。其地域北臨卡噴塔利灣及都列斯海峽。東瀕太平洋。南與新南威爾斯分境。西鄰南澳大利亞。海岸線由南緯二十八度之但格岬。向西北。至南緯十一度之約克岬。屈曲南折。成卡噴塔利灣之東濱。及其南岸。

大分水嶺。沿太平洋沿岸。由南而東北。注入太平洋者。有波爾得京 (Burdakin) 斐子洛

(Fitzroy)等河。其西有墨來及終於內地諸河。此外有向卡噴塔利灣斜面諸流。

氣候則本州之北半。雖在熱帶圈內。不甚酷熱。卽西南最乾燥酷熱地方。亦鮮越華氏九十五六度者。降雨不定。東方太平洋斜面。雨量雖多。卡噴塔利方面。雨量較少。南及西南一帶尤稀。主要之生業。以牧畜爲第一。採礦及農業。與前記二州無異。羊毛獸皮之產頗多。金、石炭、錫、銀、銅等次之。又有甘蔗、玉蜀黍、小麥、煙草、珈琲等農產物。北半位於熱帶地方。香蕉、鳳梨、柑橘等果實。栽培皆盛。且本州三分之一屬於天然之森林。故多杉、松等有用之材。都列斯海峽之眞珠貝。世界著名。然本州之輸出品。以金、銀、銅、錫、石炭、肉類、皮革等爲大宗。

州內鐵路。延長達三千九十二哩。在澳洲聯邦中。居第三位。

不力斯辦 (Brisbane) (南緯二七度二八分 東經一三五度六分) 在本州東岸南部。注入摩勒敦灣 (Moreton) 之

不力斯辦河。上流二十五哩。入水六米以下之船舶。可以航行。爲本州之首府。人口十二萬六千餘。市內有政廳、植物園、公園等。羊毛之輸出甚盛。

洛克罕浦敦 (Rockhampton) 在斐子洛河上流七十二杆之地。船舶往來自由。羊毛輸出亦盛。且當世界最富金鑛之摩爾剛山之通路。人口二萬餘。

多尼斯維勒 (Townsville) 瀕東岸中部。哈里法格斯灣。爲通商口岸。鐵路與西方鑛產農產地相連。人口一萬五千五百餘。金、砂糖等之集散甚盛。

馬利波羅 (Maryborough) 在不力斯辦之北 (鐵路一七〇哩) 京姆比河之下流 (距河口二十五哩) 人口一萬三千。輸出砂糖木材等。

伊普斯威治 (Ipswich) 在不力斯辦之西二十五哩布列曼河 (不力斯辦河支流) 畔。人口一萬五千餘。附近各地富農產石炭。

京姆比 (Gympie) 在不力斯辦之北 (鐵路約一百二十哩餘) 沿馬利河。以石炭出產著名。人口一萬五千。

木曜島 (Thursday) 爲都列斯海峽中之一島。距約克岬西北約三十哩。當南緯十度三十四分。東經百四十二度十二分。距新幾內亞西南約九十哩。島周五哩。英國於此設貯煤所。堪內的 (Kennedy) 爲島內之良港。眞珠、海參、鳥糞、椰子、眞核、鼈甲等之集散甚盛。且對新幾內亞爲百貨之供給所。海岸設有礮臺。駐守備兵。住民約三千五百人。有白人、中國人、日本人、馬尼刺人、新嘉坡人等。

【南澳大利亞州】 (South Australia) 占大陸之中央部。由南緯二十度至三十八度。東經百二十九度至百四十二度。而積九十萬三千六百九十六方哩。土地雖廣。然其大部爲未開墾及不毛之沙漠。人口僅四十九萬。每一方哩合百餘人。可謂荒寂。西與西澳大利亞州接壤。東接新南威爾斯州。及維多利亞州。所謂北領土之地 (North Territory) 卽南緯二十

六度以北。印度洋。亞勒佛拉海。卡噴塔利灣間之廣大地域。一八六三年。併入南澳大利亞之行政區劃。本州之南岸。有斯噴色灣。其東繞斯噴色岬。爲聖維善托灣。此諸灣之西。一帶海岸。則臨有名之澳大利亞大灣。北海岸有亞爾奈姆蘭 (Arnhemland) 突出。沿岸多屈曲。山脈則聖維善托灣之東。邱陵蜿蜒。爲墨來河流域。與注入灣內諸流之分水界。又有佛林得斯山脈。連互於斯噴色灣之東北。內地有埃爾 (Eyre) 蓋得納 (Gairdner) 等鹹湖。聚集由苦因士蘭而來之諸流。北領土之南部。有馬克頓內爾 (Macdonnell) 山脈。成一帶之高原。山脈之西。有亞馬丟斯湖 (Amadeus) 其大部分爲未開拓或不毛之沙漠。多不見人煙之地。

然本州之東南部。爲氣候良好之沃野。農業。牧畜。盛行。有小麥。燕麥。大麥。牧草。葡萄。馬鈴薯。及各種之果物。盛畜羊馬等類。此外又有著名之庫林格夢達之銅坑。出銅甚多。以上各種產物之內。以麥粉。銅。獸毛等。輸出爲多。鐵路之設。多在東南部。延長一千八百九十五哩。

沿革 本州之北海岸。爲馬來人往復之所。歐洲人始發見之者。在十六世紀之半。葡萄牙人之東航。及十七世紀。荷蘭人又嘗從事探索。十九世紀之始。英國軍艦。測量沿岸。達爾溫港。卽於此時發見。一六七二年後。荷蘭又嘗從事探檢南方澳。大利亞灣。一八三六年。建設植民地。一八四三年。銅鑛發見。一八五六年。施行現今之責任政體。

亞得來得

(南緯三五度五五分
東經一三八度三五分)

跨本州東南部。注入聖維善托灣之叻楞斯河下流。爲

本州之首府。市街分南北二部。北部爲住宅地。南部爲商業街。街衢整然。有大學植物園等。人口十七萬。爲羊毛小麥等之大市場。市之西北。鐵路七哩。有亞得來得外港。人口二萬餘。爲一八三六年所建設。其後出入大陸內地之探險家。皆以此地爲發着點。今大陸橫斷鐵路。卽起於此。延至埃爾湖。

巴爾謀斯敦 (Palmerston) 瀕本州北領土之西北海岸。達爾溫港。爲北領土之首府。港灣佳良。其形勝雖不及爪克孫港 (波的爪克孫) 然以爲北方之門戶。將來必極發達。自一八七五年以來。開放爲自由港。當大陸橫斷鐵路之北端。現今鐵路已達東南之派印克利克 (Pineleek)

瓦拉魯 (Wallaroo) 在斯噴色灣之東濱。(約南緯三十四度) 爲銅產地之海港。

奧格斯脫港 (Port Augusta) 在斯噴色灣之北端。距亞得來得西北鐵路二百六十餘哩。爲良港。輸出生毛、小麥、銅等。

【西澳大利亞州】(West Australia) 由北緯十三度半至三十五度。東以東經百二十九度之線。與南澳大利亞州相接。南北約千二百五十哩。東西約八百十哩。面積凡九十七萬五千九百二十方哩。約占澳洲大陸三分之一。聯邦中最大之州也。然其大部分均係不毛或未開墾地。其可望開拓者。僅居十之一。縱令將來以爲畜牧地而利用之。亦不過十分之

二。故人口稀薄。僅二十三萬。每十方哩三十人。本州之地勢。有達林山脈 (Darling R.) 起於西南隅。沿海岸而蜿蜒。北走約三百哩 (距海岸約二十哩) 其最高峯。雖不過一千一百二十米。西海岸因成高臺。其他北部有根不勒里高地。內地一帶頗爲廣漠。而不見山。唯有沙丘。隨地起伏。北部沙地大沙漠 (大散底沙漠) 成一高原。南部維多利亞大沙漠。小丘起伏。僅生阿卡西亞。西岸河流雖多。其重要者。僅斯汪河耳。

【斯汪河】(Swan) 發源於達林山脈之東部。西北流。轉而西南。由佛里曼特爾。注於海。全長不過三百哩。爲西南部極要之河流。自珀斯 (十九籽) 之上流奇爾德福特 (十四籽) 皆通汽船。

氣候內地沙漠。酷熱乾燥。氣候不良。濱海一帶。氣候頗佳。即北部及西北部。帶有熱帶性氣候。溫度高。雨量多。復有一種之颶風 (Wills Whirlies) 襲來。海岸之中部及西南部。皆溫和。雨量亦多。冬期僅早晨見有冰。沿海地方之高臺。有森林。產有用之木材。平地則行農牧。然其面積。僅五百萬亞克。產小麥、燕麥、大麥、玉蜀黍、牧草、馬鈴薯、果物。多牛、馬、羊、豚等。此外有金、銀、銅、石炭等礦物。唯工業無可述者。僅有日常用品耳。貿易在六州中居中位。鐵路自金坑發見以來。布設甚盛。今延長達二千二百六十哩。

沿革 西澳大利亞植民地。以英政治家羅勃德比爾氏之主張。自一八二九年。建設斯汪河植民地 (Swan River

Settlement)

移民於斯汪河附近爲始。其初以牧草不良。糧食缺乏。移民頗爲困難。故發達甚遲。自一八四六年

至一八四八年。雖有牧場及金產地發見。因與英本國印度及其他殖民地。交通不便。物價昂貴。人人頓懷絕望。幸以囚徒建築佛里曼特爾港。開鑿道路。以後結果。非常美滿。遂漸開繁盛之基。而冒險家探險家等。復排困難。發見種種曠坑耕地牧場等。終至移住者日益多焉。

珀斯 (Perth) 在本州西南海岸斯汪河口上流十二哩。人口約五萬。爲本州之首府。其外港有斯汪河口之佛里曼特爾。人口二萬三千。港口雖有北風或西北風。然西有羅德內斯特島 (Rotneest) 南有卡登島 (Garden) 可以寄泊。實本州著名之貿易港也。港與首府有鐵路相聯絡。復有汽船往來焉。

亞爾巴尼 (Albany) 在本州西南隅。乾喬治山得灣 (King George Sound) 內之布林斯羅耶爾灣頭。爲貿易港。英國海軍貯煤所在焉。灣口有礮臺。與首府珀斯。鐵路相通。

布羅美 (Broome) 在本州之西北海岸。一良港也。附近海上爲採集眞珠貝之中心點。

克爾喀提 (Coolgardie) 在珀斯東方之內部。一八九一年以前。爲寂寞之森林地。自同年金坑發見。逐年繁盛。今已建設街市。築有鐵路。與珀斯相通。又其西北抹齒。孫地方。富於金坑。亦有鐵路通珀斯。

第二章 達斯馬尼 (Tasmania)

【位置】 在澳大利亞大陸東南部。隔拔斯海峽。而與維多利亞州相對。當南緯四十度四。

十分與四十三度三十八分之間。東爲達斯曼海。西臨印度洋。爲不規則之三角形。南北約二百哩。東西稍短。雖有屬島五十餘。稍大者。惟北部拔斯海峽之乾島 (King) 佛爾牛格島 (Furneaux) 及東南海岸之波羅乃島 (Bruné) 全面積約二萬五千七百七十七方哩。

【達斯馬尼之名稱】 本島於西曆一六四二年。爲荷蘭航海者阿卑爾達斯曼所發見。當時泊舟於非迪禮亨利克灣 (Frederick Hendrick) 名其附近之地曰桓第曼斯蘭 (Van Diemen) 蓋以此地爲大陸之一部也。後一八五六年。始易以發見其地者之名稱曰達斯馬尼。

【地勢】 雖多山岳。而無高山。僅有山脈二條。由北而南。中央爲窪地。最高峯曰庫雷特爾 (Cradle) 高一千五百四十六米。在西山脈中。近時由雷庫上校揮下之吉利班、必斯兩氏。於庫雷特爾山之北。發見較高之山云。中部窪地。多湖水。風景殊佳。故世人稱本島爲「澳洲之瑞士」。湖畔有肥沃之平野。耕地牧場相交。住民以本島爲兼有英、吉利之富饒。意大利之風光云。

因地勢之故。河流無長大者。然便於舟楫灌溉者。亦復不少。其重要者爲德文特河 (Derwent) 及他馬爾河 (Tamar) 一由中央南流。注入斯托木灣。一北流。入拔斯海峽。其他福斯哥爾敦、必曼、馬賽等。河流雖多。灌域均不長大。

【德文特河】 爲本島之最長流。發源於中央稍西之聖克來亞湖。東南流。合歐斯河 (Ouse) 克雷特河 (Clwyde)

河口成良港。注入斯托木灣。全長約百九十四哩。舟楫能達新那福克 (New Norfolk)

【他馬爾河】發源於東南山地。初稱馬庫埃利河 (Maquarri) 合愛斯克河 (Esk) 曰達林普利 (Dalrymple)

河。注入拔斯海峽。自蘭西斯敦 (距河口六十四軒) (Launceston) 以下。六百噸之船舶。得自由出入。

海岸多小出入。東南岸尤著。有俄伊斯忒灣 (Oyster) 馬利安灣 (Marion) 達斯曼半島 (Tasman) 斯托木灣等。南岸亦有出入。西岸較多岩礁。而少彎曲。北岸由西方格林 (Grim) 岬。至東方波達蘭岬 (Portland) 多小彎曲。東岸自波達蘭岬。至皮拉岬 (Pillar) 亦然。

【氣候、產物】氣候良好。北、南、東沿岸各地。晴朗日多。空氣清潔。富於酸素。寒暑適體。冬暖而夏涼。故當夏季。由澳洲大陸而來避暑者甚多。

產物與澳洲大陸略同。礦物有金、銅、銀、石炭、錫、銻等。此外石材亦多。農產多麥類、馬鈴薯、果實等。牧畜亦盛。有羊、馬、牛等。

【住民】人口約十八萬。全屬英人。是以基督教盛行。教育有大學。中小學不少。逐漸進步。本島之原住民。一八七六年以前。尙有生存者。現已滅絕矣。此爲人種學上重要之事實。以劣等人爲優等人所壓抑。而遂至於滅絕。不亦可愍也哉。

【都邑】哈巴特 (Hobart) (南緯四二度五二分) 在島之東南方德文特河之右岸。 (距

河口約十九軒) 負埃爾林敦山風景絕佳。河港甚優。雖巨大船舶。亦得碇泊。盛行羊毛小

麥及金之貿易爲本島之首府。市街清麗。有大學及公園等。市況繁盛。夏季來避暑者甚多。人口三萬五千。爲本島第一都會。

蘭西斯敦(Launceston) 在本島之東北方。跨他馬爾河(距河口六十四杼)當南北兩愛斯克河之會合點。五百噸以上之船舶。能至此地。交通便利。羊毛及各種礦物貿易皆盛。且因地近澳洲大陸。商業發達。頗有凌駕首府之概。人口二萬餘。本島之第二都會也。

第四章 新西蘭(New Zealand)

【位置】 新西蘭島位於南太平洋之西部。南緯三十四度五十分至四十七度五十分之間。距澳洲大陸之東南約千二百哩。由南北二大島。斯特瓦得島及其他多數之小島而成。

【面積、人口】 面積合科克及其他諸島共十萬四千七百五十一方哩。人口約一百一十二萬一千餘。(一九二一年)

【地勢】 本島由兩大島而成。地勢構造各自不同。北島之中央部有塔帕湖(Tapu)其北部雖係平地。而其南山地佔其大部。多高山峻嶽。有路阿陪夫(Luapehu)之活火山。高九千二百呎。北島之第一高峯也。

近湖之西有董噶利羅山(Tongariro)高七千三百七十六呎。亦爲活火山。此外活火山之高峯甚多。塔帕湖面積約二百三十七方哩。新西蘭最大之湖也。流爲瓦開透河(Waikato)

向西北流。兩岸有無數之間歇泉。甚爲奇觀。水程約二百三十哩。爲北島之最大河流。河口成三角。可以碇泊大船。自河口約百三十料。小汽船得自由航行。

南島以南亞爾伯山脈爲主軸。沿島形而蜿蜒於西部。高峰甚多。最高峰科克山 (Cook) 在山脈之中部。高一萬二千三百四十九呎。其次爲法蘭克林山。聳立於北部。高達一萬呎。此等高峰之頂。四時白雪玲瓏。有大冰河。故山中因冰河作用。湖水溪谷頗多。主軸山脈東部之平地。謂之坎他播利平野 (Canterbury) 實肥沃之農耕地也。河流無甚大者。惟克路他河 (Clutha) 瓦塔奇河 (Waikari) 稍大。均發源於南亞爾伯山脈。東南流注入於海。海岸少大出入。惟西南河岸多成峽江。

【克路他河】一名馬奧塔河。又曰穆利諾河。發源於瓦卡的普瓦納卡等湖。東南流注於海。全長三百五料。本島第一之河也。

二大島地質構造。各自不同。北島係多火山之地質。南島係多水成岩之地質。換言之。卽北島多火山、溫泉、熔岩、硫磺等之噴出不少。南島有由黏板岩、花崗岩等而成之高峰。有大冰河、深山湖、及廣大冰河之堆積物。

【氣候】雖全部在南溫帶內。氣候溫和。適於康健。然以地形不同。各地亦微有差異。卽北島視南島溫度較高。平地終年不見霜雪。其北部且溫熱而爲亞熱帶之氣候。南島大山。其

高嶺四時戴雪。冬季平地亦見霜雪。兩島之風向皆以西北風爲最多。故西部地方雨量亦大。

【產物】 本島農業牧畜甚盛。農產則麥之產額尤多。畜產以羊、牛、馬、豚等爲最多。而羊爲本島第一財源。按最近之調查。羊頭數達一千九百十三萬。羊毛及冷藏羊肉爲重要之輸出品。此外牛約百八十三萬頭。馬三十三萬頭。豚二十五萬頭。

山地各種礦物埋藏頗富。而金之產額尤著。最近年額達二萬四千三百六十斤。亦主要輸出品之一也。次於金者爲石炭。年額約百五十萬噸內外。

【住民】 住民多半爲英人。舊有住民僅有四萬餘。俗呼曰馬阿利人。其系統屬頗利尼西亞派。爲野蠻之愚民。好施文身。

【新西蘭土人】 新西蘭土人自稱爲馬阿利。猶言「光之子」。也。現今之風俗雖與往昔不同。然其固有之風俗可約略言之。男子結髮以鳥羽爲飾。或加鯨骨所製之櫛。耳飾則以美麗之綠玉爲之。頸懸所謂的奇之目大而頭曲。綠玉所製之人形。其目以赤色顏料及青貝飾之。

【土人黥】 施黥之法。以鑿齒或貝殼之小片傷皮膚。而擦以植物性之墨汁。其形狀依人而不同。完全者施於鼻額兩頰。及口之左右。其間畫各種之線。而作種種之彎曲。皆因人而異。

此黥雖係面部之裝飾。然亦有模戶主之黥爲木偶。揭諸屋上。以爲標幟者。亦有與外人訂立合同。契約者但模目

身之黥。以代戮記者。近來以宣教師等禁止之結果。日見其少云。

婦人不結髮。其黥施於頸及口之周圍而已。

沿革 本島係一六四二年。荷蘭航海家達斯曼所發見。當時稱爲斯塔蘭 (Staaten Land) (聯邦土地之義) 後以達斯曼氏之生地。改稱之曰新西蘭 (New Zealand) 或諸法西蘭。及一七六九年。英人科克氏於北島之東部。破佛底灣岸之給斯巴內上陸。宣言爲英國之領土。自是氏於本島。探險三次。十九世紀初。遂爲英國之囚徒植民地。蠻人常來襲之。不得收植民地之效。然至一八〇四年。蠻人酋長。盡棄彼等之主權。全島始實爲英所領。同年囚徒植民停止。良民之移住者日多。一八五三年。發布本植民地之憲法。爲自治植民地。島之行政。由知事掌之。立法權委於知事及立法代議兩院。

【都會】 威林敦 (Wellington) (南緯四一度一七分) 在北島之西南隅。科克海峽之北岸。

尼科孫灣之西岸。爲新西蘭島之首府。英國所派遣之知事駐此。人口約四萬五千。交通便利。毛織物及肉罐頭等之製造皆盛。貿易亦頗興旺。距悉尼東南約一千九百三十浬。

奧克蘭 (Auckland) 在北島中央稍北部之地峽中。瀕好拉奇灣 (Hauraki Gulf) 內之瓦特麻塔灣南岸。爲新西蘭最舊都府之一。(一八四〇年創建) 人口約六萬。本地之第一大都會也。港內水深波靜。船舶出入頻繁。地當澳洲及美國航路之要衝。故貿易甚盛。近郊一帶風景絕佳。

魯舍爾 (Russell) 在北島之東北。濱挨蘭灣 (島灣) 爲南太平洋捕鯨船根據地。稱主要地之一。且以爲本島植民創始地而知名。

克利斯徹池 (Christchurch) 近南島之東海岸。市街美麗。有英國之風。爲東部平野貨物集散地。人口五萬內外。羊毛穀物等之貿易盛行。利帖爾敦。在其東南約六哩。爲本市之外港。

都內下 (Dunedin) 爲臨南島東南岸之良港。人口二萬五千。南島之第二都會也。近郊有金產地。商業亦盛。波的查爾馬斯。爲其附屬港。鐵路相距七哩餘。市街清麗。一良港也。

【斯特瓦得島】 (Stewart) 新西蘭三島中最南而又最小之島也。土人謂之拉奇路阿 (乾燥地之義) 隔佛維澳克斯海峽。與南島相對。面積一千七百二十二方呎。島內多山岳。植物繁茂。產砂鐵等。近海多魚類。人口約三百餘。

所屬島嶼 恰脫哈姆羣島 (Chatham) 在利帖爾敦東方海上。約五百四十哩。由三島而成。面積約三百六十六方哩。土地肥沃。氣候溫和。爲一七九一年。布羅敦氏所發見。人口百九十六人 (一九〇六年) 此外有馬阿利等土人。牧畜牛、羊。或以漁業爲生業。

【保溫的】 (Baunty) 位於恰脫哈姆羣島之西南。面積約五方哩。一無入島也。

【安地波得斯諸島】 (Antipodes) 在保溫的諸島之南。一名卑南地波得斯。面積約二十方哩。火山質之無人

島也。

【奧克蘭諸島】(Auckland) 在斯特瓦得島之南相距三百二十浬。面積三百二十六方哩。除船舶遇險。偶有上陸者外。別無住民。

【堪布爾島馬庫挨里島】 均在奧克蘭島南之無人島。此外有怯爾馬得克羣島。在北島之東北。由數小島而成。

第五章 島嶼部

【位置及地勢】 島嶼部由巴布亞大島及數多之大小島嶼而成。其極北庫雷斯波島。在北緯三十一度四十六分。極南爲馬庫挨里島。在南緯五十五度十五分。極東爲沙雷槲湄芝島。在西經一〇五度二十八分。極西爲的克哈它克島。在東經約百十四度。

【氣候】 各島雖均在南北兩回歸線內。然因散在渺茫之太平洋中。溫度不甚高。概爲海洋氣候。然如巴布亞島。以其面積較大。氣候因之亦略有異。而其風向。因在貿易風帶。貿易風最盛。即赤道以北之貿易風帶。屬北東之方向。赤道以南者。屬南東之方向。此二風帶之間。(北緯及南緯五度以至十度間)則無風帶(靜穩帶)在焉。隨太陽直上之位置。略有微風。然此貿易風。尤以太平洋東部爲盛。西方近亞細亞大陸之數多島嶼。常隨季節。而風向不同。是爲氣候風。且有被印度洋氣候風影響之所。貿易風與氣候風。均含濕氣甚多。故當其衝之島嶼。雨澤豐沛。土地肥沃。就中貿易風與氣候風交替地方。分爲乾濕二季。濕季多

雨量。故美拉尼西亞諸島植物繁茂。土脈肥沃。然在低卑島嶼。熱度易高。由海洋而來之濕氣。無山脈爲之留滯。雨量甚少。

【產物】 羣島生物。概如亞細亞類。似澳大利亞者甚少。又夏威夷羣島。有亞美利加產之動植物。要之各島所產者。爲麵包樹、甘蔗、椰子、露兜樹、芋薯等類。動物出產甚微。雖如巴布亞之大島。僅有有袋類。其他則鳥類、蟲類。鑛產有銅、鎳、金、石炭等。

【住民】 住民有黑色人、淡色人及其他各種人。黑色人爲巴布亞人、尼革利特人。淡色人爲頗利尼西亞人。密科羅尼西亞之住民。亦屬頗利尼西亞派。黑色人尙未脫野蠻之風。好爭鬪。有啖人肉者。淡色人資性溫和。喜與外人交際。漸趨於文化。土人外。有英人、德人、法人、葡萄牙人、荷蘭人、西班牙人等。亞洲人之移住者。以我國人爲最多。夏威夷羣島。有日本人。【所領】 大洋洲之島嶼部。全然爲歐美人之領地。卽英吉利、荷蘭、德意志、法蘭西、北美之美國、南美之智利。各有一部分之地。又此島嶼部。可細別爲三部。(一)美拉尼西亞。(二)密科羅尼西亞。(三)頗利尼西亞。於後分述之。

第六章 美拉尼西亞(Melanesia)沿岸島嶼

美拉尼西亞者。黑人島嶼之義。因其土人爲黑色人種而名之也。起澳洲大陸之北方。而散布於其東南。沿大陸之海岸。抱珊瑚海。由北端之巴布亞卽新幾內亞大島。始有卑士麥克

羣島。瑣羅門羣島。撒達喀洛斯羣島。新希不力斯羣島。新喀里多尼亞島。斐支羣島等相合而成。此等諸羣島均接近澳洲大陸。故有沿岸島嶼之名。住於美拉尼西亞諸島之土人。謂之美拉尼西亞族。卽黑種也。平均身長一、三、八米。較亞非利加之黑種尤低。然其皮膚毛髮眼彩相同。面顏幅廣。鼻孔不大。外觀頗不惡劣。

【美拉尼西亞種族】美拉尼西亞種族。卽美拉尼西亞諸島中除新幾內亞外。新喀里多尼亞。新希不力斯。新不列顛。新愛爾蘭等。及其東方斐支諸島所住土人之總稱也。與新幾內亞土人。大同小異。體質雖亦略同。而混有他種族之雜種。美拉尼西亞土人。略知農業。能作土器。且巧於製舟。施以彫刻彩色。然有出人意者。則其與南方非洲之黑人。同有食人之蠻風。至今猶未盡絕。彼等遇有戰鬪。或疾病而死者。輒盛招客。開宴會。以其肉供焉。其食物均用手。唯人肉則用肉刺食之。亦一奇也。

第一節 巴布亞島 (Papua)

【位置】本島在南緯零度十九分至十度四十二分。東經百三十度五十七分至百五十五度五十二分間。中央呈大塊狀。東南及西北。各有半島。全島形勢。由西北而趨東南。臨亞勒佛拉海。印度洋。太平洋。珊瑚海。特南方之一部。水淺而狹。寬僅四十五浬。是爲都列斯海峽。與澳洲大陸相接。

【名稱】巴布亞一名新幾內亞。英語爲 (New Guinea) 德語爲 (Neu-Guinee) 法語爲 (Nouvel Guinee) 因

當時發見黑色之土人與亞非利加西海峽幾內亞地方之居民相類。故有此稱。至巴布亞爲馬來語。謂羊毛之毛。即縮髮人之意。故此二名稱。皆由本島土人之相貌而來。

【面積】本島爲世界第二大島。長達一千五百哩。寬約四百哩。面積二十九萬七千九百五十三方哩。加以附近諸島。約八十萬七千九百五十六方呎。

沿革 外國人之初探險本島者。爲葡萄牙人。濶尼塞斯氏（一五二六年至一五二七年）而一五四五年。西班牙人。雷的斯氏實發見之。其土民與亞非利加西海岸之幾內亞人相似。故命名爲新幾內亞。後經多次之探險。荷蘭人。數來割取其西部（一八四八年）英德分領其東部（一八八四年至一八八六年）本島遂爲荷英德三國人所分領。迨一九一九年。歐戰後。舊德領之東北部。已改屬英領之澳洲聯邦管理。

【地勢】本島地勢。雖調查尙未週遍。難知其詳。然按其地勢。島之中央。有東西蜿蜒之山脈。西部謂之查爾士路易山脈（Charles Louis）東南部爲峨溫史坦利（Owen Stanley）山脈。均富高峯。而峨溫史坦利。更蜿蜒以達東南端。有維多利亞山（高一萬三千一百七十四呎）亞爾勃德愛德華山（高一萬二千五百一呎）等之秀峯。山脈之幅狹。傾斜甚急。少空闊之谷地。及廣闊臺地。半島之中部。未經探險。雖爲黑暗之世界。其東部乃由富起伏之臺地而成。中有淑本哈維爾高峯。爲本島最高點。達二萬呎。又西部多不甚高崇之平地。凡距海岸百哩之間。其地高海面僅五六十呎內外云。

河流之長大者不少。以佛來河(四)爲本島第一長流。發源於中央山地之頓內爾德遜山之南面。屈折向東南流。成三角洲。注入巴布亞灣之西岸。全長六百十五哩。其中五百哩。可通舟楫。百五十哩。有潮汐之作用。

愷撒林奧格斯脫河(Kaiserin Augusta)爲本島北部向北流之大河。至德爾拉特雷岬東方。注入於海。全長未詳。下流約百八十哩。得通汽船。其他尙有安貝爾諾河拉母河等。均係大河。惟未知其詳。

【氣候】本島以全部在赤道南熱帶中。溫度甚高。雨量豐沛。內部平野。常陰雲不晴。濕潤苦熱。有熱病流行。降雨之多。夜中爲甚。實本島殖民上一大障害也。摩來斯比港。全年平均溫度二十八度三。熱季最高三十五度六。寒季最低二十二度。雨量一千八百二十九耗。

【產物】氣候已如前述。炎熱潮濕。故植物之發育盛。山地森林密生。富有用木材。其生物與馬來及澳洲類似。實爲兩地間過渡之地域。故若亞卡西亞及有加里樹。可知其爲澳洲之產。而森林之繁茂。則與選他諸島。若西里伯斯。若摩鹿加之馬來諸島。尤相類似者也。其他動物。亦有與兩地方相似者。卽有袋鼠。極樂鳥。鴨嘴獸等之澳洲產。頗不少。有用植物。爲煙草。甘蔗。米。珈琲。椰子等之熱帶植物。平地皆適於耕作。

山地蘊藏金。銀。黑鉛。石炭等礦物甚多。而開採未盛。近海一帶。產眞珠貝。及海鼠等。總之現

今本島之重要輸出品。除海產之眞珠海參外。爲椰子乾核及木材等。

【住民】 住民之數不詳確。或云五十萬。或云二百萬。大抵在七十萬內外。雖不確亦相去不遠。其大部爲舊來土人。白人之移住者甚少。

土人軀幹或長大。或矮小。肌膚黑褐色。又淡褐色。毛髮垂直。或波形。亦有捲縮者。其種族頗多人數最多者。爲巴布亞人。巴布亞爲野蠻民族。屬黑色人種。分住各島嶼。軀幹長大。皮膚黑而略帶褐色。毛髮卷縮。恰如羊毛。廣顏平額。眼下垂而眉秀。鼻大脣厚。顎骨突出。令人見而生憎。性質雖不全然愚昧。因孤立島中。不受其他之刺戟。故文化不進。依然未脫蠻風。男女均裸體爲常。僅腰部纏樹皮。或各種介殼。身體則施各種色彩。以文身爲美觀。住居茅屋。或結廬於樹上。或建家於海中而住之。好食禽獸蟲魚之肉。時亦食人。

【巴布亞種族】 巴布亞種族爲居住新幾內亞島土人之總稱。其中可區別爲數多之小種族。而括言之。則其人頭長。鼻大口大。一般體格強壯。手足較長。身長概在五呎以至五呎二寸之間。

巴布亞族現尙使用石器。武器如棍棒弓箭。尙不解利用。巴布亞人之居住。有地上水上及樹上三種。居水上之利益有四。(一)居住屋內。即可漁獵。(二)得避各種小蟲之害。(三)空氣流通。得減暑氣。(四)便於不潔物之排洩。又其居住樹上者。擇長大之樹幹。就分枝處。橫施木片。作一粗造之基。再於其上結樑及棟焉。

【荷蘭領】 荷蘭領地。爲本島之西半部。及斐迪禮亨利島 (Frederick Henry) 美索爾。(

(Misol)阿盧等屬島。面積十五萬一千七百八十九方哩。人口約二十四萬。雖爲本島三部中將來最有望之地。而富源之開拓。尙未就緒。在東印度總督管轄之下。德雷(Dare)爲幾耳維克(Geelvink)灣頭阿爾法克(Arfak)山麓之港。瓦來斯氏及其他探險家之出發點也。本地爲荷蘭屬。在一八四八年。

【英吉利領】爲本島之東南部。及英特列喀斯丟克斯路易西亞得等屬島。面積九萬五百四十方哩。人口約三十五萬。(歐洲人六百)在巴布亞全島。氣候爲最溫和。產煙草、甘蔗、茶、珈琲等。土地適於熱帶物產之耕作。產橡皮特多。屬澳洲聯邦政府所管轄。東南岸之摩來斯比(Moresby)港。在巴布亞灣之東岸。爲本領土之首府。人口約一千餘。本地自一八八七年以來。屬於英國。

【澳洲聯邦領】爲島之東北部。戰前曾屬德領。面積合屬島約七萬方哩。人口僅十一萬。物產有椰子、西穀米、竹、黑檀及其他樹木。爲本島天然之富源。又產棉、煙草等。自一八八四年。本地爲德意志之保護地。德意志人呼之曰愷撒維廉蘭。(意謂維廉帝之土地)裴迪禮維廉哈芬。爲舊德領之首府。位於北海岸。今由協約國會議委任澳洲聯邦管理。

第二節 卑士麥克羣島 (Bismark)

卑士麥克羣島。羅列於德領新幾內亞東方海中。之羣島也。面積二萬九千八百方哩。人口

約十八萬八千。(歐洲人三百六十)由新波母拉尼亞(於前名新不列顛)新梅格林堡(於前名新愛爾蘭)二大島及若干之小島而成。羣島向東凸曲成馬蹄形。氣候酷似新幾內亞。日晚有陸輒風吹來。帶內部之沼氣。不適於康健。產物有椰子、乾核、棉花、珈琲及橡皮。此地自一八八四年以來。屬於德國。今由協約國會議歸澳洲聯邦管理。

第三節 瑣羅門羣島 (Solomon)

瑣羅門羣島。在卑士麥克羣島之東南。散布於一千一百浬之間。全島概係火山島。然珊瑚島亦間有之。全面積一萬二千五百五十八方哩。人口約十八萬五千。氣候溫暖。在二十四度至三十二度之間。雨量甚多。本羣島在一五六七年時。為西班牙人所發見。至一八八六年。德國主張全部應屬於德。卒於一八九九年。依英德之協商。南部歸英。北部屬德。

【澳洲領瑣羅門】 歐戰前曾屬德領。由保根維耳 (Rouagin Ville) 布喀 (Ruka) 及其他島嶼而成。面積凡四千二百方哩。人口四萬五千。以檀香木及鼈甲等為主產物。此諸島嶼。昔為愷撒維廉蘭駐在官所管轄。今屬澳洲聯邦管理。

【英領瑣羅門】 由瓜達爾加那爾 (Guadalcanar) 馬來大 (Malaita) 伊撒貝爾 (Isabel) 觸蘇爾 (Choiseul) 新喬治亞 (New Georgia) 及其他島嶼而成。面積八千三百五十七方哩。人口約十五萬。(歐洲人百餘)產物有香蕉、乾核、馬鈴薯、椰子等。英國之代理官駐在

焉。

第四節 撒達克洛斯諸島 (Santa Cruz)

撒達克洛斯諸島。散布瑣羅門諸島東南海中之諸島也。一名苦因查爾洛得 (Queen-Charlotte) 多由火山質而成。有珊瑚成緣礁者。面積三百四十八方哩。氣候未詳。一般多兩。植物有椰子、西穀米等。動物雖少。而水族甚富。人口約七千。多半從事漁業。乘大獨木舟。遠航海中。以勇敢稱。而有食人之風。此等人民。戴有酋長。立於英國主權之下。本諸島自一五九五年。緬塔尼氏第二次旅行發見後。至十八世紀。復爲喀特雷特氏再發見。遂定名爲苦因查爾洛得諸島。

第五節 新希不力斯羣島 (New Hebrides)

新希不力斯羣島。撒達克洛斯諸島南方所散布各島嶼之總稱也。面積約四千八百六十方哩。人口六萬以至七萬。多火山島。而繞以珊瑚礁者甚多。因火山之噴出。不乏溫泉。島內多山地。森林繁茂。平地土地肥沃。椰子、香蕉、甘蔗等之熱帶植物盛發育。海岸無良港。碇泊不便。近海一帶。產眞珠貝。

各島住民。種族甚多。島各不同。言語亦互異。民情奸猾。尙存食人之蠻風。本島以一六〇六年。爲啟羅斯氏所發見。當時以爲南極大陸之一部。遂命名爲澳大利亞。

地爾埃斯皮利支散得。(Australia del Espiritusanto)至一七七四年。科克氏始改爲今名。其所屬久不決。依一八八七年之條約。爲英。吉。利。法。蘭。西。之。共。同。保。護。地。由兩國聯合海軍委員。任保護生命財產之事。

第六節 新喀里多尼亞諸島(New Caledonia)

新喀里多尼亞諸島。散在新希不力斯諸島之南方。在澳洲大陸之東方海上。約九百哩。新西蘭之東北。九百七十哩。諸島面積。七千六百五十方哩。人口。五萬三千三百。新喀里多尼亞。爲諸島中之最大者。由西北橫於東南。島形狹長。全長約二百五十哩。寬二十五哩。以至三十哩。有珊瑚礁擴布於五哩以至十二哩之海上。全島包圍於其中。地勢富山岳。高達一千六百米以上之山脈有二。其中間挾谷地。由西北而走東南。山地產各種之礦物。尤以鎳爲最多。鈷。鉻及銻等次之。平地盛產珈琲。甘蔗。煙草。鳳梨等。尤以鎳。鈷。鉻。珈琲。爲輸出品之大宗。

本島在一七七四年。爲科克氏所發見。命名爲新喀里多尼亞。其後一八五三年。爲法國之所屬。

怒湄阿(Numea) 爲本植民地之首府。在新喀里多尼亞島之南岸。爲怒島及奇庫島所包圍。成天然廣闊安全之良港。設有乾船渠等。風景絕佳。人口約五千。與悉德尼及新南威

爾士等有通航之便。自一九〇一年一月一日爲法國太平洋艦隊之根據地以來。本島益爲樞要之地。

羅雅耳特諸島 (Royalty) 在新喀里多尼亞島之東六十哩。爲法國所領。隸屬於新喀里多尼亞島。面積八百方哩。(由三大島及數多小島而成) 人口一萬四千八百。盛栽香蕉。以白檀爲出口貨之大宗。

羅雅耳特諸島之外。有砌斯脫匪爾特 (Chesterfield) 瓦利斯諸島 (Wallis) 富支那島 (Futuna) 阿羅費島 (Alofi) 等均在附近。而屬於新喀里多尼亞。

第七節 斐支諸島 (Fiji)

斐支諸島橫於新希不力斯之東方。一名斐的 (Viti) 諸島。由斐的來巫 (Viti Levu) 及瓦奴亞來巫 (Vanua Levu) 之二大島及二百五十餘之小嶼而成。面積七千四百三十四方哩。其中最大者。卽斐的來巫島。全部由火山質而成。概有珊瑚礁圍繞之。氣候一般適於康健。本島多森林。盛種甘蔗。香蕉。鳳梨。椰子等出產亦多。人口約十二萬餘。歐人僅二千五百人。大多數爲舊有之土人。土人性質頑迷。喜食人肉。近年受基督教之感化。漸脫其陋習。而趨於文明。爲英吉利直轄植民地。

本島嶼自一六四三年達斯曼氏發見其東部。命名爲維爾來母公諸島。至維爾克斯氏率

亞美利加探險遠征隊。以一八四〇年探險後。始知其內部之狀況。一八五九年。搭可母巴王。欲以九千鎊讓本島於美國而不果。然卒以一八七四年。無條件讓於英國。至一八八〇年。羅支馬島 (Rotuma) 亦併於斐的。

斯瓦 (Suva) 在斐的來巫島之東南岸。爲本島之首府。碇泊船隻。極爲安全。且當北美與澳洲間船舶往來之衝。占樞要之位置。

第七章 密科羅尼西亞羣島 (Micronesia)

密科羅尼西亞。猶言微細之島嶼。蓋由數多細小之羣島而成也。起於小笠原列島之南方。而散布於美拉尼西亞羣島之北。由馬介利愛斯。馬離那。加羅林及卑拉斯。馬塞耳。斐爾伯等部而成。面積僅一千三百五十一方哩。而其所散布之區域則甚大。人口十一萬餘。種族略似頗利尼西亞族。而別成一派。密科羅尼西亞人。概溫良。長於操舟之術。

第一節 馬介利愛斯諸島 (Magallanes)

馬介利愛斯諸島。散在北緯二十度迄三十二度。東經百二十八度迄百六十八度間。面積不過百十方籽。分中東西三羣。尤以中羣之小笠原島爲有名。

小笠原羣島。在北緯二十六度三十分迄二十七度四十五分間。共有島二十三。面積約六十八方籽。地質屬獨立之火山系。平均高度近三百米。海岸成絕崕。不乏良港。氣候爲亞熱

帶氣候。然不至過於潤溼有害衛生。物產植物以受黑潮流之影響。同於回歸帶。動物無陸棲者。而富魚類。此地爲日本領。日人留住者。不過四千人。從事種植甘蔗及漁業。

沿革 小笠原諸島。西名爲波寧 (Bonin) 係無人島之音轉。當一六三九年。西人卽有發見之者。而於一八三〇年以前。從未有入登陸。收集天產。試爲居住。是歲始有西人率夏威夷人來住此島。其後一八五三年。更製憲法圖自治。然日本遣軍艦佔有之。一八八〇年以後。遂爲日本領。因獎勵移民焉。

此外有火山 (Volcano) 列島。日本人謂之硫磺列島。有北中南三島。住民百餘人。從事採掘硫磺。而馬爾庫斯島在其東。日本謂之南島。島亦有名。

第二節 馬離那羣島 (Mariane)

馬離那諸島。占密科羅尼西亞之西北部。當火山列島馬爾庫斯島之南。略依東經百四十五度線。南北縱列。於北緯十三度至二十一度間。一名拉的羅尼羣島。島數十五。北方十島。爲火山島。多活火山。南方五島。由珊瑚而成。以瓜囊島爲最大面積。約四百五十方哩。住民約一萬二千四百人。

氣候雖炎熱。適於人之康健。雨量亦多。惟時有地震及大風之害。是其缺點耳。產物有甘蔗、椰子、麵包樹、馬鈴薯、珈琲、綿、米、麥等品。

沿革 本羣島在一五二二年。爲葡萄牙人馬介利愛斯氏所發見。當時稱爲拉的羅尼羣島。卽盜賊島之義。因當時

發見其地。土人相集而盜取物品。故有此名。至一六六八年。爲西班牙領土。假其皇后馬利安那之名。改稱爲馬離那。其後一八九八年。西美戰爭之結果。瓜囊島割讓於美。其餘諸部亦於一八九九年。與加羅林羣島及卑遼羣島。共以一千六百八十一萬馬克。售於德國。今和會議決。委任日本代管。

【卑遼諸島】(Palau) 在馬利那羣島之西南方。加羅林羣島之西方。一名卑拉斯諸島。(Palao) 共有島二十五六。面積一百九十三方哩。人口約三千餘。舊屬德國。今亦改屬日本。

【日領馬離那】 日領地占總地積十分之五、五。約二百三十六方哩。人口不滿三千。其中白人僅六十人。首府在撒盤島。(Salpan) 今屬日本管理。

【美領馬離那】 瓜囊島 (Guam) 爲美國所領。面積一百九十八方哩。人口九千六百餘。馬離那諸島住民之大部。住於此島。島內有學校十八所。島人約十分之九。解文字。土地肥沃。樹木繁多。有港泊。爲太平洋海底電綫之中斷處。由此與夏威夷、小笠原、斐律賓連絡。阿喀那 (Agana) 其首邑也。人口六千。

第二節 加羅林諸島 (Caroline)

加羅林諸島。散在馬離那諸島南方。由北緯十度以至赤道間。東西長三千二百二十方哩。由五百二十五島嶼並列而成。面積僅三百七十二方哩。住民約四萬內外。白人不過百五十人。土人概長高。體格強壯。氣候雖位置近於赤道。因海風之調和。四時清爽。適於康健。物產

亦以土地肥沃。產椰子樹、鳳梨、香蕉等甚多。

沿革 加羅林諸島。首爲葡萄牙人發見。稱西苦伊拉 (Sequeira) 至一八八六年。爲西班牙領。假國王加爾羅斯之名。爲加羅林。其後又稱爲新斐律賓。至一八八六年。因德意志占領雅浦島。而起紛爭。一八八九年。德意志遂以一千六百八十一萬馬克。與馬離那並收買之。本諸島行政上分東西二部。坡納浦 (Ponape) 島爲東政廳所在地。雅浦島 (Yap) 爲西政廳所在。其海底電綫。爲日美共同管理。今赤道以北諸島。皆改歸日領。

第四節 馬塞耳諸島 (Marchall)

馬塞耳諸島。在加羅林諸島之東。由西北而東南。長八百杼。分爲二列。東列由十三島而成。西列合十一島而成。前者謂之拉達克 (Ratak) 後者謂之拉力克 (Ralik) 全島爲珊瑚礁。地盤甚低。島之周圍。珊瑚礁環繞之。有成環礁者。全面積約百五十方哩。人口約一萬五千。氣候溫暖。雨量豐沛。多麵包樹、椰子樹、香蕉等。椰子、麵包。爲住民之食物。又椰子乾、核。爲輸出品之大宗。

本諸島自一八八五年以來。爲德國所領。政廳在西列島南部遮魯特島 (Taru) 今歸日領。【挨里西諸島】(Bice) 挨里西諸島。在斐支諸島及斐爾伯諸島之間。面積約十二方哩。人口僅二千四百。現屬英國。

第五節 斐爾伯諸島 (Gilbert)

斐爾伯諸島。在馬塞耳諸島之東南。以赤道爲中心。而散布於其南北。由十六珊瑚島而成。面積約百六十二方哩。人口約三萬五千餘。土地低下。無高出海面至五六米者。地肥瘠薄。僅產椰子露兜樹而已。本島在一七六五年。爲巴崙氏所發見。一八九二年後。全島均屬英領。

第八章 頗利尼西亞羣島 (Polynesia)

頗利尼西亞。爲多島之義。其區域不甚明確。地理學者。嘗用以總稱太平洋上所散在之島嶼。故有廣狹之義。就廣義言。斐律賓羣島。新幾內亞及澳洲大陸。以東各島嶼。均包括於內。就狹義言。則指薩摩阿以東。或云斐的以東諸島嶼而已。然此所謂狹義之頗利尼西亞。乃頗利尼西亞本部羣島之意。換言之。卽密科羅尼西亞。美拉尼西亞兩羣島之東方海上。赤道南北四十餘度間。所散布之無數島嶼之總稱也。其重要島嶼。由西南舉之。有董噶。(友愛諸島) 薩摩阿。吐喀勞(猶尼翁)羣島。費匿克斯。科克。馬尼希基。社會諸島。澳大爾。羅島諸島。馬貴薩斯諸島。及北方之夏威夷羣島。而積全部約一萬〇百十八方哩。人口二十五萬七千。

頗利尼西亞羣島。地質構造。與密科羅尼西亞同。多珊瑚質之低島。有火山者亦不少。夏威夷羣島之火山。其活動爲最甚。又西部之薩摩阿。董噶。亦均有火山。

氣候。因在南北回歸線內。屬熱帶地方。固應炎熱。然有海洋及貿易風調和之。遂成海洋氣候。於生活頗適。降雨。在珊瑚質低島。雨量雖少。而火山質高島。則多雨而溼潤。又若他希的諸島。溫度適當。雨量亦多。氣候以和快稱。故在高島地方。土地肥沃。溫暖而多溼氣。適於生物之發育。低島則不然。無望耕作。

住民。爲馬來西亞種族之一派。軀體長大。筋骨頑強。皮膚淡褐色。或黑黃色。長頭。又有所謂亞長頭。而貌亦不惡劣。馬來西亞種族。分爲馬來西亞及頗利尼西亞之二派。馬來西亞派。已於馬來羣島述之。茲就頗利尼西亞種族。述之如左。

【頗利尼西亞種族】 頗利尼西亞種族。爲頗利尼西亞羣島住民之總稱。頗利尼西亞。多島之義也。爲散布於澳大利亞。美拉尼西亞。與亞美利加大陸間。廣漠之太平洋中。數多島嶼之名。故頗利尼西亞羣島。北由夏威夷。南至新西蘭。及其附近諸島。以赤道爲中心。緯度通南北而互八十度。經度東西達七十度。頗利尼西亞派中之主要住民。爲董噶人。薩摩阿人。他希的人。及新西蘭人等。

【董噶人】 董噶人之體質。可以爲頗利尼西亞派之標式。現有入口一萬餘。（較歐洲人最初發見之時減少五分之一）今頗利尼西亞派通有之特質。身長而大。長頭。皮膚茶褐。髮毛多直。亦有縮者。宗教則崇拜其祖先。利用石器。有獨木船。施種種之彫刻。至考彼等何由而達諸島。其先。蓋由新幾內亞。與西里伯斯中間之波羅小島。移住於董噶島及薩摩阿島。其後。遂漸繁殖。延於其他各島云。

今董噶人、薩摩阿人及他希的人。以隸歐美文明國之治下。生活狀態與昔迥不相同。又董噶人及薩摩阿人。殆皆信奉基督教。文化有顯著之進步。

第一節 夏威夷羣島 (Hawaii)

【境域】 夏威夷羣島。一名散得維齒羣島 (Sandwich) 頗利尼西亞羣島中最主要之島嶼也。位於北緯十九度至二十二度。西經百五十六度至百六十六度。由西北向東南而分列。其距亞美利加較亞細亞爲近。大小二十餘島嶼。面積約四千九百九十方哩。中以夏威夷島爲最大。面積約四千十五方哩。其餘馬于、阿湖、開奧伊等八島。爲主要。

【面積】 夏威夷諸島。面積四千九百九十方哩。然從來之概算。加以水面。爲六千四百四十九方哩。內夏威夷島四千十五方哩。馬于島七百二十八方哩。阿湖島五百九十八方哩。開奧伊島五百四十七方哩。摩洛開伊島二百六十一方哩。拉奈島百三十九方哩。女好島九十七方哩。喀呼拉伊島六十九方哩。

【地勢】 全部爲火山質。其周圍有珊瑚礁包圍之。火山力爲頗利尼西亞中之最強烈者。火口溫泉甚多。冒納羅亞山。高達一萬三千六百六十二呎。有噴火口。奇拉維亞。距山頂東約十七哩。高四千四百呎。火口爲橢圓形。周約十哩。直徑約二哩半。深自五百呎以至七百呎。爲世界中大活火山之一。因而著名。噴火口內常噴出熾熱之熔岩。實一壯觀云。此外尚有冒納奇亞山之休火山。屹立於本島之北部。高一萬三千八百〇九呎。不僅爲夏

威夷羣島中之最高山亦大洋洲中有數之高峯也。

【奇拉維亞】奇拉維亞噴火口之大已述於前。此大噴火口其南部湛有赤熱之熔岩。爲圓形之湖。常噴出水蒸氣。有時二十餘個圖岩之大球。同時噴出。其熔岩之自火口溢出者。山麓之森林家屋。常爲所毀焉。

其他島嶼亦富火山及溫泉。各島均多山地。而少平地。然土地概肥沃。

【氣候】雖全部在熱帶中。因受海洋之影響。爲海洋氣候。故無酷熱之苦。且適於人之康健。天氣多晴。氣溫冬至二十二度。夏季二十五度內外。四時均皆溫和。雨量甚多。適於生物之發育。

【產物】本羣島因溫熱多濕。故植物繁茂。農業尤盛行。產有甘蔗、鳳梨、咖啡、米、橡皮等。就中以甘蔗之出產爲最盛。鳳梨、橡樹之栽培。近時亦大勃興。實將來有望之事業也。

【砂糖鳳梨】砂糖產額最近達六十萬餘噸。(一九二〇年)全部輸出於美國。價值約一億四千四百五十餘萬圓。鳳梨罐頭總額約九十五萬七千箱。價值約百十六萬一千八百餘圓。

哺乳獸除犬、鼠、蝙蝠外均係移植者。移植之動物有馬、驢、馬、騾、牛、山羊、綿羊、鳩、七面鳥等。牧羊業雖行。尙未甚著。

【住民】本島之總人口約二十七萬人。內舊有之夏威夷土人僅三萬八千餘。其他均由各國移住者。其數如左。(一九二〇年)

日 本 人	一一四、八七九	夏 威 夷 人	二一、九〇七
中 國 人	二二、三七八	西 班 牙 人	一、八四八
葡 萄 牙 人	二五、二五七	波 德 黎 各 人	五、四九一
其 他 白 人	三七、四〇九	其 他	五、三二七
半 夏 威 夷 人	一七、八四七	其 他 諸 人 種	五、七〇
計	二七五、八八四		

由上表觀之。日本人約占全島民二分之一。多從事於栽培甘蔗。而我國人在一八八二年。栽培場之一萬三百四十三人中。佔其五千人。頗佔優勢。其自合併於美國後。施行排斥華工法案。勢力遂衰微矣。

【宗教】 奉基督教。學校遍設於諸島。概用英語。

【行政】 夏威夷羣島。為美國領土之一。有大總統所任命之知事管轄之。其任期為四年。兵備上屬於加利福尼亞省。海軍之根據地。在真珠灣內。

【交通】 海上交通。與亞美利加、加奈大、澳大利亞、新西蘭、我國、日本等。皆相連絡。鐵路則夏威夷島、馬于島、阿湖島。共有百五十哩。電信電話之使用甚廣。和諸魯魯地方。幾無戶不備電話。

沿革 當一七七八年。英人科克氏之發見列島也。以當時之海軍提督散得維齒氏保護之力爲多。故名之曰散得維齒羣島。太平洋上人種之傳布。以薩摩阿羣島之刺威伊島爲根據。在夏威夷羣島。人類移住。係西歷第五世紀之事。其後十一二世紀。頗利尼西亞。有人種大移轉。哈維列島及新西蘭島。關於當時之植民。各有傳說。夏威夷羣島亦於此時。有新移住者。其後夏威夷島之克美哈美哈一世。戰克阿湖島。而定全部統一之基。在一七九五年之四月下旬。至一八一〇年。開奧伊。女好二島之王。亦以其地讓於克美哈美哈一世。於是羣島奉一君主。更以阿湖島之和諾魯魯爲夏威夷王國之首府。而當是時。羣島全部。實有四崩五裂之勢。其戰爭常不絕。一八一九年。克美哈美哈一世歿。子克美哈美哈二世嗣。一八二四年。其弟克美哈美哈三世繼之。王之在位。英法諸國。交涉紛興。一八四三年。國王以英人之逼。至退位而讓國。然一八四二年。美人先承認夏威夷王國之獨立。英法效之。克美哈美哈三世。乃以一八三九年六月七日。公布關於人權之詔勅。翌年十月八日。更發布憲法。至一八五二年。又修正之。夏威夷之可合併於美國。在一八五三年及一八五四年時。住居外人之間。已有爲之動議者。一八五四年十二月十五日。以克美哈美哈三世殂落。議遂中止。王妹奇那烏之子。亞歷山得利和利和。先已立爲太子。至是卽位。稱克美哈美哈四世。其人有精神病。嘗使酒殺其從臣。一八六三年十一月三十日。暴病而殂。王兄路德克美哈美哈哈位。稱克美哈美哈五世。翌年八月二十日。新發布欽定憲法。及一八七二年十二月十一日。克美哈美哈五世之殂也。無嗣。克美哈美哈家之血統遂絕。島民以由議會之議決。選舉繼承者。推王族羅那利羅爲王。時一八七三年一月八日也。初國王選舉之際。有二候補者。以其少數而失敗。爲夏威夷豪族曰克拉克。以排斥外人。爲收攬人心。

之計。一八七四年二月三日。羅那利羅王歿無嗣。克拉克畏於同月十二日選舉國王之際。終得美國黨之後援。以與英國黨所推選之候補者爭而勝之。一八七五年一月三十日。夏威夷與美國在華盛頓締結互市條約。兩國之通商益加隆盛。故此條約之結果。夏威夷之產業。得意外之發達。因而需用勞動者之數。驟然增加。一八七七年。始招致亞索列諸島及馬兌辣島之葡萄牙人。嗣後更募集世界之勞動者。故當是時我國人之在夏威夷者。頗佔勢力。及一八八四年。日本始亦移民焉。

一八八一年。克拉克畏王。往遊各國。歸國之後。以一八八二年五月十九日。舉基布孫爲內閣首相。基布孫者。原爲摩爾門宗（美國之宗派）之布教士。後赴和諾魯。爲諾哈畏報館館長。結託美國陸軍上校斯帕列格爾氏。鼓吹島民熱心排外。遂以策士。躡就斯職。翌年國王王妃行加冕大禮。謀使日俄諸國派遣公使。更就國王使執太平洋之牛耳而爲盟主。以一八八二年。公布夏威夷之國權宣言書。其意實期於太平洋暨南洋諸島。實行蒙羅主義。然如一八八七年二月十七日。以與薩摩阿國王馬利哀脫亞結政事同盟條約。遶卑士麥克之怒。倉皇而召回駐在亞卑亞之公使。其行事實等兒戲。住居外人。以基布孫之排外政策所受之侵害漸多。決議傾覆現政府。以建設有責任之立憲政府。舉美人陸軍上校夫西和德爲司令官。而組織義勇兵。一八八七年六月三十日。於和諾魯集會。以請願於國王。國王大驚。翌日罷免基布孫。且改正憲法。明大臣之責任。擴張參政權。卽住居外人。亦予以選舉權。是爲一八八七年之革命。

革命之際。王妹利利畏加拉尼。方在歐洲。歸國之後。深憤王之怯懦。希圖回復王權。召回留學歐洲之青年二人。曰

維爾哥克及蒲芝。依爲股肱。建大策畫。一八八九年七月三十日。維爾哥克先舉事。國王克拉克。以違於約。不之援。倉卒失敗。一八九一年一月二十日。國王克拉克。因養痾赴美。客死桑港。王妹利利。擧加拉尼。乃宣誓誠實。恪守一八八七年之憲法。而登王位。然即位之後。即主張內閣對於國王。須負責任。而組織新內閣。握政府之實權。利利。擧加拉尼。猶不以此爲足。於一八九三年一月四日。議會閉會之後。頒布欽定新憲法。將以鞏固王權。而逼內閣大臣使副署。大臣悉拒絕之。且與爭論。謂國王之舉動。不合於立憲。住居外人之重要者。薩斯敦。瓦爾德。輩得報。則相集以反抗國王。選定公安委員三十人。一月十七日。公安委員。公布準備政府建設之宣言書。廢止君主制。置行政委員四人。以判事德爾爲大總統。兼行政議會會長。其前一日。美水師百六十二名。上陸。聲稱保護美人之生命財產。女王自政府向美國公使乞求援助。公使斯替溫斯。以己承認新政府拒之。利利。擧加拉尼。私恃一八四三年之先例。不得已署名於退位之宣言書。至二十日。日英兩國代表。亦正式承認新政府。是卽一八九三年之革命也。初公安委員之開會議也。薩斯敦提議。謂先以與美合同之目的。而設立假政府。於是自薩斯敦以下五名之夏威夷全權委員。以一月十九日向桑港出發。二月三日。至華盛頓。而夏威夷國內。未卽安靜。行政議會會長德爾。向美公使請求保護。二月一日。公使斯替溫斯允之。於夏威夷政廳。樹立美國之國旗。既而二月十四日。夏威夷全權委員。與美國國務卿約翰塔布留福斯達間。七條之美夏合併條約書調印成。其第一條。規定夏威夷政府。以其現有主權。絕對讓與美國。其第六條。記明美國政府。對於前女王利利。擧加拉尼。可給與終身年金二萬圓。其王位繼承者之少女加伊。擧拉尼。可給與償金十五萬圓。如此而已。當是時。會美國大總統交替之期。女王黨之策士紐曼。與王

族少女加伊揚拉尼。先後赴美遊說於政府反對黨之間。新大總統克利維蘭。以三月四日就職。先既爲所動。三月九日。美夏合併條約。自元老院撤回。改派陸軍上校布拉溫特。視察夏威夷情事。既抵和諾魯魯。遂撤去懸於其政廳之美國國旗。尋代斯替溫斯爲公使。美國大總統克利維蘭。重視布拉溫特之報告。於夏威夷新政府之設立。謂爲美國前公使斯替溫斯不正之干涉之結果。布拉溫特歸國後。派遣新公使華利司。使謀女王復位之事。至十二月十八日。前女王利利揚加拉尼。承認復位之後。對於改革黨。可行大赦。其翌日。美公使往訪大總統德爾。告以美政府欲女王復位之意。夏威夷政府。斷然拒絕之。是時美國於克利維蘭之政策。亦有攻擊之者。克利維蘭對於女王復位之舉。遂暗消於無形中。

於是夏威夷國民。以一八九四年七月四日。廢假政府。而建共和政府。委行政權於大總統。置上下兩院。行使立法權。大總統之任期爲六年。德爾卽由兩院之選舉而就職。然王政黨土人黨反抗之陰謀。未卽屈伏。徒以美艦之碇泊和諾魯魯。憚未敢發。同年九月。美艦歸國。土人黨王政黨大喜。謀叛益急。然一八九五年一月。陰謀發覺。僅於小戰鬪之後。以七八兩日。叛徒多潰散。其巨魁維爾哥克氏等。至同月十四日。或自首投誠。或就逮捕。審問之結果。事涉前女王利利揚加拉尼。其關係謀叛事實顯著。此審問以一月十七日開始。閱一週餘而終結。至二月二十三日。悉受宣告。由是夏威夷王政回復之希望全絕。其共和政府之基礎與能力。始爲列國所知。而夏威夷國民。有希望合併於美國者。故一八九七年。馬昆萊之代克利維蘭爲大總統也。再起交涉。翌年一八九八年七月七日。美國國會之決議案。成同年八月十二日。夏威夷列島正式合併於美國。至一九〇〇年。區爲夏威夷德利士利意。卽謂夏

威夷地方也。

夏威夷島 (Hawaii) 夏威夷島。爲散得維齒羣島中最南最大之島。占全羣島面積三分之二。住民四萬六千九百人。島中多高山。冒納奇亞山 (Maunakea) 爲大洋洲中有名之高峰。位於島之東北部。此外有冒納羅亞山 (Mauna Loa) 夫阿拉來伊山 (Hualalai) (七七一呎) 等均係火山。山麓多爲熔巖或森林所蔽。多瘠土。島之西北端互涇亞地方。有優良之牧場。而冒納奇亞之東北斜面。有數多之水流。就中瓦皮峩河 (Waipio) 畔。風景絕佳。其沿岸沃野。頗適耕種。

首府希羅 (Hilo) 在東海岸。瓦伊開亞灣頭。爲甘蔗栽培地之中心。開魯亞 (Kaiaua) 爲位於西岸之舊都。其南之奇拉科庫亞 (Kealahouka) 因一七七九年探險家科克氏被害於此地。故頗著名。

阿湖島 (Oahu) 住民五萬八千五百〇四人。爲本羣島中最重要之島。位於開威及開乙伊瓦和兩海岸之間。成不規則之四邊形。島內山岳多。接近西岸。高者達四千呎以上。土地肥沃。物產豐饒。居民稠密。

和諾魯魯 (Honolulu) (北緯二一度一八分 西經一五七度五一分) 阿湖島南岸之良港也。爲本羣島之首府。

市街隱現於諾瓦奴平地綠樹之間。風景殊佳。港內得碇泊入水二十呎以下之船舶。惟港

口有沙洲。最爲憾事。人口約四萬。地當澳亞美三洲交通上之要衝。故交通貿易甚盛。我國謂之檀香山。有我國領事駐焉。

眞珠灣 (Pearl) 在利諾魯魯之西北。海軍之根據地也。

馬于島 (Maui) 住民二萬五千四百餘。在巴伊魯魯及阿列奴伊哈哈兩海峽之間。爲不規則之瓢形。首邑拉海那。在西北岸。砂糖及葡萄之集散地也。

其他之島嶼 其較大者。有成臺地之開奧伊島 (Kaui) 及缺乏草木之女好島 (Nihau)

附記 開奧伊島之西北有美國屬之數小島。卽怕伯拉島 (Papara) 尼開爾島 (Necke) 法蘭西夫利哥特島 (French Frigate) 蓋德島 (Garden) 雷桑島 (Laysan) 利西安斯奇島 (Lisiansky) 波爾挨里梅斯島 (Perle of Hermes) 斐拉特爾斐亞島 (Philadelphina) 布魯科島 (Brook) 及當太平洋橫斷電線中斷所之密得威島 (Midway) 皆是也。

第一節 樊尼恩諸島 (Fanning)

樊尼恩島 當北緯三度五十分。西經百五十九度。面積十五方哩。人口百五十八人。屬英領。產鳥糞層。爲澳大利亞加奈大間海底電線之中續處。

第二節 薩摩阿諸島 (Samoa)

薩摩阿諸島。一名航海諸島。位於南緯十三度半至十四度。西經百六十八度至百七十三

度。由大小十四島嶼而成。概係火山質。面積約一百方哩。人口三萬六千餘。（住民之狀態見頗利尼西亞諸島）氣候雖炎熱而無害於健康。土脈豐饒。產棉、咖啡、椰子、乾核等甚多。此地常有疾風暴雨。溼氣頗厲。

本羣島原爲王國。一八八九年。以英美德三國柏林議會之結果。認爲有獨立政府之中立國。至一八九八年。島內王位繼承問題之紛爭起。翌年遂廢王位。卒於一八九九年。依美德二國之條約。依西經百七十一度之線。將羣島三分之二。此線以西。卽薩瓦伊島。鄂普路島。及其屬島。爲德國所領。至戰後。改屬新西蘭。此線以東者。卽圖推拉馬奴亞諸島。爲美國領。

【新西蘭領薩摩阿】 舊爲德領地。面積約一千方哩。人口約三萬三千餘。其中以薩瓦伊島 (Savaii) 爲最大。鄂普路島 (Upolu) 次之。亞皮亞在鄂普路島之北岸。瀕半圓形之灣。薩摩阿政廳之所在也。自歐戰後。由和會議決。委任新西蘭管理。

【美領薩摩阿】 面積約七十九方哩。人口五千八百內外。以圖推拉島爲最大。巴巴果在圖推拉島之南岸。南洋諸島中之良港也。

第四節 董噶諸島 (Tonga)

董噶諸島。一名友愛諸島 (Friendly) 在斐支諸島之東。橫於南緯十五度至二十三度半。西經百七十三度至百七十七度間。有大小島嶼五百餘。由東北而西南行。分爲二脈。東脈

爲珊瑚質。西脈爲火山質。面積三百九十方哩。人口約二萬餘。土地豐饒。富於椰子樹、甘蔗、果物、椰子、乾核。爲輸出品之大宗。此羣島在一六四三年。爲荷蘭人達斯曼氏所發見。後英人科克氏於一七七七年。在本島探險時。因土人溫良。信實相處。遂命以友愛之名。蓋以表親切之意也。首邑奴庫阿羅發 (Nukualofa) 在低平之董噶塔布島。爲董噶諸島之主港。君主之所居住也。其地雖有由王指名之貴族及人民所選之議員而成之議會。然依一八九九年之英德條約。已爲英人之保護地矣。

第五節 科克諸島 (Cook)

科克諸島一名哈維諸島。散布於南緯二十度西經百五十七度附近之海中。拉羅董噶 (Ralongga) 爲其最大島。其他有曼格亞 (Mangai) 亞求 (Abu) 蔓士大奇 (Maituraki) 毛奇 (Manke) 密梯阿羅 (Mitiero) 哈維 (Harey) 等各島嶼。由火山及珊瑚島而成。全面積約百四十四方哩。人口七千內。產哥哥亞實、麪包樹、香蕉、咖啡等。爲英國所領。行政上隸屬新西蘭。

第六節 社會諸島 (Society)

社會諸島。或曰他希的諸島。屬法領。當大洋洲之要衝。自南緯十六度至十八度。西經百四十八度至百五十五度。概係火山島。有珊瑚礁包圍之。由西北向東南。約三百二十方哩。面積

約六百三十七方哩。人口約一萬六千餘。共有十二島。東羣爲風。諸島 (Mes au Vent) 又曰他希的諸島。西羣爲風。下諸島 (Mes sous le Vent) 氣溫由二十一度至二十八度。不害康健。產物有眞珠、椰子、乾核、哥哥亞實、棉、柑類等。此羣島爲一六〇六年啟羅斯氏所發見。後於一七六九年。至七七年間。經科克氏之探險。因得社會之名。至一八四二年。東羣島先歸法領。一八四七年。英法結約。認西羣島爲獨立。卒於一八八八年。全部爲法所領。

他希的島 (Tahiti) 爲社會諸島中最大之島。面積六千方哩。由低地峽連接二圓形之地。係由火山巖質之噴出物所構成者。有歐羅黑那 (Orhena) (二二二七米) 之最高峯。僅海岸一帶。土地肥沃。氣候溫和。適於康健。因有「南洋花園」之稱。怕皮特 (Papeete) 良港也。住民約四千三百人。(內法人二千四百九十)

支不愛諸島 (Puhuai) 亦曰澳大爾羣島 (Austral) 在社會諸島之南。由力米大拉 (Pimitara) 洛洛芝 (Ruru'u) 支布愛、拉瓦瓦 (Raivavae) 等島嶼而成。爲火山質。繞以珊瑚礁。氣候頗佳。自一八八一年。屬於法國。面積百方哩。住民凡二千人。

第七節 圖亞摩突諸島 (Tuamotu)

圖亞摩突諸島 一名低諸島 (Low) 亦曰遠諸島 (Farnost) 在社會諸島之東。由西北互東南。約一千五百方哩。由八十餘之環礁而成。面積三百八十四方哩。人口五千。地勢平低。

故有低諸島之名。乏耕地。僅產哥哥亞實、眞珠等。本諸島自一八四六年爲法國所領。其最東南部有岡比爾 (Gambier) 諸島。由五火山島而成。其中以滿加利瓦爲最大。殆位南回歸線下。此諸島面積約六方哩。人口五百八十餘。因此地爲達溫氏踏勘之地而著名。

第八節 馬爾貴薩斯羣島 (Marquesas)

馬爾貴薩斯諸島 位於南緯八度至十一度。西經百三十八度至百四十一度間。由十一主島而成。面積四百八十方哩。人口四千三百人。內部爲火山質。各島高達九百米。周圍有珊瑚礁繞之。氣候一般適於康健。主要物產爲椰子、乾核、柑類、眞珠貝等。本諸島之一部於一五九五年曾爲緬塔尼氏所發見。其他一部又於一七七四年爲科克氏所發見。自一八四二年以來歸於法領。人口次第減少。當一七七四年時有十萬人。至一八三八年時有二萬人。現今則四千三百人而已。奴喀希法 (Nuka hiva) 爲羣島中之最大島。南岸之泰歐哈伊 (Taiohai) 有法國駐在官。港雖小而頗繁華。

第九節 比特根諸島 (Pitcairn)

比特根諸島 位於南緯二十五度五分。西經百三十度五分。長三千三百米。寬一千二百米。面積約二方哩。人口百七十人。爲英國所領。氣候良好。產哥哥亞實、麪包樹等。

第十節 拉帕奴伊諸島 (Rapanui)

拉帕奴伊諸島 一名湃夫島 (Vaihu) 英人謂之伊斯特 (Easter) 法人謂之帕貴斯 (Paques) 距他希的島及南亞美利加約三千六百籽。孤立於太平洋中。係火山質。面積五十四方哩。人口百五十餘。本島係一千七百二十一年。羅幹愛印氏所發見。其後科克氏及拉波魯斯兩氏亦曾來此地。住民往時約在三千以上。現今僅百五十人耳。自一八六〇年以來。屬於南美之智利。

【沙雷繩涓芝島】(Salay Gomez) 在南緯二十六度二十八分。西經百七度四十八分。距拉帕奴島東北約四百六十五籽。在頗利尼西亞最東之海上。為大洋洲全洲極東之島嶼。地係火山質。屬於智利。

第十一節 馬尼希基諸島 (Manihiki)

馬尼希基諸島 散處於南緯八度至十一度。西經百五十度至百六十度間。為英所領。隸屬新西蘭。面積十二方哩。住民約一千人。其中最大島為盤林島 (Perryu) 島民多向近海一帶。採集真珠貝以為生業。產椰子、乾核。

第十二節 猶尼翁諸島 (Union)

猶尼翁諸島 一名基勞諸島 (Tokelan) 位於南緯八度二十分至十一度。西經百七十一度至百七十二度之間。面積七方哩。以佛喀阿弗 (Takafu) 諾庫奴奴 (Nukunono) 歐他夫 (Otafu) 等為主島。住民約一千五十人。種族言語均似薩摩阿人。產椰子、乾核。全部

爲英領。

第十三節 費匿克斯諸島 (Phoenix)

費匿克斯諸島 位於南緯二度三十分至四度三十分。西經百七十一度至百七十四度三十分之間。全島爲英領。由馬利亞 (Maria) 英特不力 (Enderbury) 費匿克斯·比爾奈 (Phoenix Birnie) 卜德拿 (Gardner) 馬奇恩 (Mac Kean) 尊爾 (Hull) 等八島而成。面積約十六方哩。住民僅六十人。